

高祖遺文錄卷之六

目錄

撰著 年齒 原本 真蹟

前二乘菩薩不作佛

初員

正元元己未

錄內三十八甲斐國
三十二紙身延山

難對治鈔

四員

正元二庚申三十九歲
二月

錄內二十三下總國
五十紙正中山

十法界明因果鈔

十二員
買書百改元

文應元庚申
四月廿一日

錄內十六
二十紙

唱法華題目鈔

二十四員

文應元庚申
五月廿六日


錄內十一
十九紙

立正安國論

四十八員

文應元庚申

真蹟新加
京都本國寺



高祖遺文錄卷之六

尾張

沙門日明纂輯

相摸

泰堂小川孝榮訂正

上毛

亥淵藤懸義徳背刻

○爾前二乘菩薩不作佛事

錄內三十八卷三十二紙
啓業三十六卷四十三紙

問云二乘永不成佛之教可許菩薩作佛乎答云楞伽經云
大慧何者無性乘謂一闡提大慧一闡提者無涅槃性何以
故於解脫中不生信心不入涅槃大慧一闡提者二種何等
爲二一者焚燒一切善根二者憐愍一切衆生作盡一切衆

生界願。大慧云何。焚燒一切善根。謂謗菩薩。藏作如是言。彼非隨順。修多羅毗尼。解脫說捨諸善根。是故不得涅槃。大慧憐愍衆生。作盡衆生界願者。是爲菩薩。大慧菩薩方便作願。若衆生不入涅槃者。我亦不入涅槃。是故菩薩摩訶薩。不入涅槃。大慧是名二種。一闡提。無涅槃性。以是義。故決定取一闡提。行大慧菩薩白。佛言。世尊。此二種。一闡提。何等。一闡提。常不入涅槃。佛告大慧。菩薩摩訶薩。一闡提。常不入涅槃。何以故。以能善知一切諸法。本來涅槃。是故不入涅槃。非捨一切善根。闡提。何以故。大慧。彼捨一切善根。闡提。若值諸佛善知識等。發菩提心。生諸善根。便證涅槃等。云此經文。若諸

衆生。不入涅槃者。我亦不入涅槃等。云前四味之諸經。不許二乘作佛。以之思之。四味諸經。之四教菩薩。作佛難有歟。華嚴經云。衆生界不盡。願亦不盡等。云一切菩薩心可發。四弘誓願。其中衆生無邊。誓願度之。願不滿足之。無上菩提。誓願證之。願又難成。以之案之。四十餘季之文。限二乘者。菩薩願。又難成歟。問云。二乘成佛無之者。菩薩成佛云無之。正證文如何。答云。涅槃經三十六云。雖信佛性。是衆生有。不心一切皆悉。有之。是故名爲信。不具足。三十六本如此。文者。先四味之諸菩薩。皆一闡提人也。不許二乘作佛。非不成。二乘作佛。將又菩薩作佛。不許之者也。以之思之。四十餘季之文。

不許二乘作佛菩薩之成佛又無之者也。一乘要決中云。涅槃經三十六云。雖信佛性是衆生。有不心一切皆悉。有之是。故名爲信不具足。三十六本第三十一說信一切衆生及一。聞提悉有佛性。名菩薩十法中第一信心具足。三十六本明一切衆生悉有佛性者。非是少分。若猶堅執少分。一切非唯。違經亦信不具何因。樂作一聞提耶。由此應許全分。有性理亦應許一切成佛。慈恩心經玄贊云。約大悲邊常爲闡提約。大智邊亦當作佛寶公云。大悲闡提是前經所說不可以前說難後說也。諸師釋意大途同之。文金錫註云。境謂四諦百界。三千生死卽苦達。此生死卽是涅槃。名衆生無邊誓願度。

百界三千具足。三惑達此煩惱卽是菩提。名煩惱無邊誓願斷生死卽涅槃。證圓佛性卽佛道。無上誓願成惑卽菩提。無非般若卽法門。無盡誓願知惑智無二生佛體同。苦集唯心。四弘融攝一卽一切。斯言有徵。文慈覺大師速證佛位集云。第一唯今經力用滿佛。下化衆生願。故出世說之。所謂諸佛因位。四弘願利生斷惑。知法作佛。然因圓果滿後。三願滿利生。一願甚爲難滿。彼華嚴力不能十界皆成佛道。阿含方等般若亦爾。後番五味不能皆成佛道。本懷今此妙經。十界皆成佛道。分明被達。多墮無間。授天王佛。記龍女成佛。十羅刹女悟佛道。阿脩羅受成佛。總記人天二乘三教菩薩入圓妙。

佛道經云。如我昔所願。今者已滿足。化一切衆生。皆令入佛道。云衆生界不盡。故雖有未入佛道衆生。然十界皆成佛。唯在今經。力故利生本懷。云又云。第一明妙經。大意者。諸佛唯以一大事。因緣故出現於世。說一切衆生悉有佛性。聞法觀行。皆當作佛。抑佛以何因緣。十界衆生悉有佛性。聞法親菩薩。佛性論。緣起分第一云。如來爲除五種過失。生五種功德。故說一切衆生悉有佛性。謂五種過失者。一。下劣心。二。高慢心。三。虛妄執。四。謗眞法。五。起我執。五種功德者。一者。正勤。二者。恭敬。三者。般若。四者。闍那。五者。大悲。疑無生故。不能發菩提心。名下劣心。謂我有性能發菩提心。名高慢。於一

切法無我。中作有我執。名虛妄執。違謗一切諸法。清淨智慧。功德。名謗眞法。意唯存己。不欲憐一切衆生。名起我執。對此。五。知定有性。發菩提心。

日蓮 花押

○災難對治鈔

錄內二十三卷五十紙
啓蒙三十卷八十三紙

國土起大地震。非時大風。大飢饉。大疫病。大兵亂等種種災難。知根源。可加對治。勘文。金光明經云。若有人王。於其國土。雖有此經。未嘗流布。生捨離心。不樂聽聞。亦不供養。尊重讚歎。見四部衆持經之人。亦復不能尊重。乃至供養。遂令我等

及餘眷屬無量諸天不得聞此甚微妙法背甘露味失正法
流無有威光及以勢力增長惡趣損滅人天墜生死河乖渾
槃路世尊我等四王竝諸眷屬及藥叉等見如斯事捨其國
土無擁護心非但我等捨棄是王心有無量守護國土諸大
善神皆悉捨去既捨離已其國當有種種災禍喪失國位一
切人衆皆無善心唯有繫縛殺害瞋諍互相讒詔枉及無辜
疫病流行彗星數出兩日竝現薄蝕無恆黑白二虹表不祥
相星流地動井內發聲暴雨惡風不依時節常遭飢饉苗實
不成多有佗方怨賊侵掠國內人民受諸苦惱土地無有所
樂之處大集經云若有國王見我法滅捨不擁護於無量世

修施戒慧悉皆滅失其國內出三種不祥事乃至命終生大
地獄仁王經云大王國土亂時先鬼神亂鬼神亂故萬民亂
亦云大王我今五眼明見三世一切國王皆由過太世侍五
百佛得爲帝王主是爲一切聖人羅漢而爲求生彼國土中
作大利益若王福盡時一切聖人皆爲捨去若一切聖人太
時七難心起仁王經云大王吾今所化百億須彌百億日月
一一須彌有四天下其南閻浮提有十六大國五百中國十
千小國其國土中有七可畏難一切國王爲是難故云何
爲難日月失度時節叛逆或赤日出黑日出二三四五日出
或日蝕無光或日輪一重二三四五重輪現爲一難也二

十八宿失度金星彗星輪星鬼星火星水星風星彗星南斗
北斗五鎮大星一切國主星三公星百官星如是諸星各各
變現○爲二難也大火燒國萬姓燒盡或鬼火龍火天火
山神火人火樹木火賊火如是變怪○爲三難也大水漂沒
百姓時節叛逆冬雨夏雪冬時雷電霹靂六月雨冰霜雹雨
赤水黑水青水雨水土山石山雨沙礫石江河逆流浮山流石
如是變時○爲四難也大風吹殺萬姓國土山河樹木一時
滅沒非時大風黑風赤風青風天風地風火風水風如是變
時○爲五難也天地國土亢陽炎火洞然百艸亢旱五穀不
登土地赫然萬姓滅盡如是變時○爲六難也四方賊來侵

國內外賊起火賊水賊風賊鬼賊百姓荒亂刀兵劫起如是
怪時○爲七難也法華經云令百由旬內無諸衰患涅槃經
云是大涅槃微妙經典所流布處當知其地卽是金剛是中
諸人亦如金剛仁王經云是經常放千光明令千里內七難
不起又云諸惡比丘多求名利於國王太子王子前自說破
佛法因緣破國因緣其王不別信聽此語橫作法制不依佛
戒是爲破佛破國因緣今勘之法華經云令百由旬內無諸
衰患仁王經云令千里內七難不起涅槃經云當知其地卽
是金剛是中諸人亦如金剛疑云今見聞此國土起種種災
難所謂自建長八季八月至正元二季二月大地震非時大

風大飢饉。大疫病等種種災難。連連于今不絕。大體國土。人數似可盡依之。致種種祈請。人雖多之。無其驗歟。正直捨方便。多寶證明。諸佛出舌法華經。文令百由旬內。雙林最後遺言。涅槃經。其地金剛文。仁王經。令千里內。七難不起。文皆似虛妄。如何。答云。今以愚案勘之。上所舉諸大乘經。在國土而不成祈請。起災難。少有其故歟。所謂金光明經云。於其國土。雖有此經。未嘗流布。生捨離心。不樂聽聞。我等四王。皆悉捨去。其國當有種種災禍。大集經云。若有國王。見我法滅。捨不擁護。其國內出三種不祥。仁王經云。不依佛戒。是為破佛破國因緣。若一切聖人。太時七難必起。上以此等。

文勘之法華經等。諸大乘經。雖在國中。一切四衆生。捨離心不起。聽聞供養志。故國中守護善神。一切聖人。捨此國。太無守護善神聖人等故。所出來災難也。問曰。國中諸人。於諸大乘經。生捨離心。不生供養志。事自何故起之乎。答曰。仁王經云。諸惡比丘。多求名利於國王太子王子前。自說破佛法。因緣破國。因緣其王不別信聽。此語橫作法制。不依佛戒法華經云。惡世中。比丘邪智心。諂曲未得。謂為得我慢心。充滿。是人懷惡心。向國王大臣婆羅門居士。及餘諸比丘。誹謗說我惡。謂是邪見人。說外道論議。惡鬼入其身等。云以此等文思之。諸惡比丘。充滿國中。說破國破佛法。因緣國王。

竝國中四衆不辨加信聽故於諸大乘經生捨離心也問曰
諸惡比丘等充滿國中說破國破佛戒等因緣佛弟子中可
出來歟外道中可出來歟答曰仁王經云護三寶者轉變滅
破三寶如師子身中蟲自食師子非外道也如此文於佛弟
子中破國破佛法者可出來歟問曰諸惡比丘壞正法以相
似法破之歟爲當亦以惡法破之歟答曰以小乘破權大乘
以權大乘破實大乘師弟共不知謗法破國因緣故成破佛
戒破國因緣墮三惡道也問曰其證據如何答曰法華經云
不知佛方便隨宜所說法惡口而覺感數數見擯出涅槃經
云我涅槃後當有百千無量衆生誹謗不信是大涅槃○三

乘之人亦復如是憎惡無上大涅槃經上勝意比丘謗喜根
菩薩墮三惡道尼思佛等打不輕菩薩招阿鼻炎皆從不辨
大小權實起之十惡五逆者愚者皆知爲罪故輒不成破國
破佛法因緣故仁王經云其王不別信聽此語涅槃經云若
犯四重作五逆罪自知定犯如是重事而心初無怖畏懺悔
不肖發露上如此等文謗法者自佗共不知子細故成重罪
破國破佛法也問曰若爾者於此國土以權教取人意失實
教者有之歟如何答曰爾也問曰其證據如何答曰法然上
人所造等選擇集是也今出其文合上經文令露顯其失若
加對治可令國土安穩歟選擇集云道綽禪師立聖道淨土

二門而捨聖道正歸淨土之文。○初聖道門者就之有二。一者大乘。一者小乘。就大乘中雖有顯密權實等不同。今此集意唯存顯大及以權大故當歷劫迂回之行準之思之應存密大及以實大然則今真言佛心天台華嚴三論法相地論攝論此等八家之意正在此也。○曇鸞法師往生論註云謹案龍樹菩薩十住毗婆沙云菩薩求阿毗跋致有二種道。一者難行道。二者易行道。○此中難行道者即是聖道門也。易行道者即是淨土門也。○淨土宗學者先須知此旨設雖先學聖道門人若於淨土門有其志者須棄聖道歸於淨土。文又云善導和尚立正雜二行捨雜行歸正行之文第一讀誦

雜行者。除上觀經等往生淨土經已外。於大小乘顯密諸經受持讀誦悉名讀誦雜行。○第三禮拜雜行者。除上禮拜彌陀已外。於一切諸餘佛菩薩等及諸世天等禮拜恭敬悉名禮拜雜行。○私云見此文須捨雜修專豈捨百即百生專修正行堅執千中無一雜修雜行乎。行者能思量之又云貞元入藏錄中始自大般若經六百卷終于法常住經顯密大乘經總六百三十七部二千八百八十三卷也。皆須攝讀誦大乘之一句。○當知隨陀之前暫雖開定散門隨自之後還開定散門一開以後永不閉者唯是念佛一門。文又最後結句。文云夫速欲離生死二種勝法中且閣聖道門選入淨土門

欲入淨土門。正雜二行中。且拋諸雜行。選應歸正行。上已選擇集。文也。今勘之。日本國中。上下萬人。深信法然上人。弄此書。故無智道俗。此書中。見捨閑閣拋等字。自淨土三部經阿彌陀佛外。於諸經諸佛菩薩諸天善神等。作捨閑閣拋等思。彼於佛經等不起供養受持等志。還生捨離心。故古諸大師等。所建立鎮護國家道場。雖令零落。無護惜建立心。無護惜建立心。故亦讀誦供養音絕。守護善神。不當法味。故捨國太四依聖人。不來也。偏當金光明仁王等一切聖人太時。七難必起我等四王。皆悉其國當有種種災禍。文豈非諸惡比丘多求名利。惡世中比丘邪智心。諂曲人乎。疑云於國土依令流。

布選擇集起災難云者。無此書已前於國中無災難乎。答曰。彼時亦有災難。云破五常失佛法者有之。故所謂周宇文元嵩等是也。難曰。今世災難破五常。故起之者。何心依選擇集流布。失答曰。仁王經云。大王未來世中。諸小國王。四部弟子。○諸惡比丘。○橫作法制。不依佛戒。○亦復不聽造作佛像。形佛塔形。○七難心起。金光明經云。不供養尊重讚歎。其國當有種種災禍。涅槃經云。憎惡無上。太涅槃經等云。豈不當自彌陀外。諸佛諸經等供養禮拜讚歎。悉名雜行乎。難云。佛法已前於國有災難。何謗法者。故乎。答曰。佛法已前以五常治國。遠以佛誓治國。破禮義者。破佛出五戒也。問曰。其

證據如何。答曰。金光明經云。一切世間所有善論。皆因此經。法華經云。若說俗間經書治世語言資生業等。皆順正法。普賢經云。正法治國。不邪枉人民。是名修第三懺悔。涅槃經云。一切世間外道經書。皆是佛說。非外道說。止觀云。若深識世法。卽是佛法。弘決云。禮樂前駢真道。後啓廣釋。云佛遣三人。且化震旦。五常以開五戒之方。昔者太宰問孔子云。三皇五帝。是聖人歟。孔子答云。非聖人。又問。夫子是聖人歟。亦答非也。又問。若爾。誰是聖人。答云。吾聞西方有聖號釋迦。以此等文。勘之佛法。已前三皇五帝。以五常治國。夏桀殷紂。周幽等。破禮義。喪國遠。當佛誓持破也。疑云。若爾者。信法華真言等。

諸大乘經者。何值此難乎。答曰。金光明經云。枉及無辜。法華經云。橫羅其殃等云。云。以此等文。推之行法華真言等者。未位。深信心薄。誦口不知其義。一向爲名利。誦之。先生謗法。失未盡外行法華等。內存選擇心。不知此災難根源等者。難免此難歟。疑云。若爾者。何信選擇集謗法者。中不值此難者。有之乎。答曰。業力不定也。順現業法華經云。此人現世得白癩病。乃至諸惡重病。仁王經云。人壞佛教。無復孝子。六親不和。天神不祐。疾疫惡鬼。日來侵害。災怪首尾。連禍涅槃經云。若不信。是經典者。若臨終時。或值荒亂。刀兵競起。帝王暴虐。怨家讎隙之所侵逼。上順次生業法華經云。若人不信毀。

謗此經。其人命終入阿鼻獄。仁王經云。人壞佛教。死入地獄餓鬼畜生。上。順後業等略之。問曰。如何速可留此災難乎。答曰。速可治謗法者。若不爾者。雖有無盡祈請。不可留災難也。問曰。如何可對治。答曰。治方亦經有之。涅槃經曰。佛言。唯除一人餘。一切施。○誹謗正法。造是重業。○唯除如此一。聞提輩。施其餘者。一切讚歎。上。如此文者。留施可對治。見此外亦治方是多具。出不暇問。曰。於謗法者。留供養。加苦治。有罪不答曰。涅槃經云。今以無上正法付屬諸王大臣宰相。比丘比丘尼。○毀正法者。王者大臣四部之眾。應當苦治。○尚無有罪。上。問曰。汝以僧形顯比丘。失非罪業乎。答曰。涅槃

經云。若善比丘見壞法者。置不呵責。驅遣舉處。當知是人佛法中怨。若能驅遣呵責舉處。是我弟子真聲聞也。上。予見此文。故為弟佛法中怨。責不憚見聞法。然上人。竝所化眾等。稱可隨阿鼻大城。由聞解此道理。道俗中。少有回心者。若一度經高覽人。上。如所舉不行之。大集經文。難免。若有國王見我法滅。捨不擁護。於無量世。修施戒慧。悉皆滅失。其國內出三種不祥。乃至命終。生大地獄。記文歟。仁王經云。若王福盡時。○七難心起。此文云。於無量世。修施戒慧。悉皆滅失等。云。見此文。且閣萬事先。可勘此災難起由。歟。若不爾。彌亦重災難可起之歟。愚勘如是。取捨任人意焉。

日蓮 花押

○十法界明因果鈔

錄內十六卷二十紙
卷二十六卷六十紙

沙門日蓮撰

八十華嚴經。六十九云。得入聲賢道了。知十法界。法華經第
 六云。地獄聲。畜生聲。餓鬼聲。阿脩羅聲。比丘聲。比丘尼聲。道人
 天聲。天聲聞聲。辟支佛聲。菩薩聲。佛聲。已上十法界名目也。第一地獄
 界者。觀佛三昧經云。造五逆罪。撥無因果。誹謗大乘。犯四重
 禁。虛食信施之者。墮此中。阿鼻地獄也。正法念經云。殺盜姪欲飲
 酒妄語者。墮此中。大叫喚地獄也。正法念經云。昔以酒與人。令醉已

調戲翫之。令彼羞恥之者。墮此中。叫喚地獄也。正法念經云。殺生
 偷盜邪姪之者。墮此中。來合地獄也。涅槃經云。殺有三種。謂下中
 上。○下者。蟻子乃至一切畜生。乃至以下殺因緣。墮地獄。乃
 至具受下苦。文問云。造十惡五逆等。墮地獄。世間道俗皆知。
 依謗法。墮地獄。未知其相貌如何。答云。堅慧菩薩造勒那摩
 提譯。究竟一乘寶性論云。樂行於小法。謗法及法師。○不識
 如來教說。乖修多羅言。是真實義。如此文者。信小乘云。真實
 義不知。大乘是謗法也。天親菩薩說真諦三藏譯佛性論云。
 若憎背大乘者。此是一闡提。因為令衆生捨此法故。文如此
 文者。大小流布之世。一向弘小乘。自身背大乘。於人令捨大。

乘是云謗法也。天台大師梵網經疏云：謗是乖背之名。紐是解不稱理，言不審實，異解說者皆名爲謗也。乖己宗故得罪。文法華經譬喻品云：若人不信毀謗此經，則斷一切世間佛種。乃至其人命終入阿鼻獄。此文意不嫌小乘三賢已前大乘十信已前末代凡夫十惡五逆不孝父母女人等。此等聞法華經名字或唱題名受持讀誦一字一句四句一品一卷八卷等乃至亦如上行人隨喜讚歎人自法華經之外一代聖教滾習達義理堅持大小乘戒勝於如大菩薩者可遂往生成佛說不信還法華經爲地住已上菩薩或爲上根上智凡夫非爲愚人惡人女人末代凡夫等言者即斷一切衆

生成佛種可入阿鼻獄說文也。涅槃經云：於佛正法永無護惜建立之心。此文意此大涅槃經大法滅盡世間不惜者即是非謗者也。天台大師定法華經怨敵云：不意聞者爲怨文謗法多種也。生大小流布國一向學小乘法治身不遷大乘是謗法也。亦習華嚴方等般若等諸大乘經人諸經與法華經作同等之思。今人學同等義不遷法華經是謗法也。亦偶有圓機人學法華經付我法爲貪世利汝機稱不當法華經由捨此經今遷權經是大謗法也。如此等皆地獄業也。生人間過太五戒強三惡道業因弱故生人間亦當世之人作五逆者少十惡盛犯之亦偶願後世人不犯十惡如善人自

然依愚癡失信身口善意惡師但非我信此邪法知行國人
聳人民令同我邪法以妻子眷屬所從人亦聳從令行我行
故於令行正法人不作結緣亦於民所從等不令至隨喜之
心故自佗共成謗法者如修善止惡人自然招阿鼻地獄業
於末法多分有之歟阿難尊者淨飯王甥斛飯王太子提婆
達多舍弟釋迦如來從子奉仕如來二十年得覺意三昧覺
一代聖教佛入滅後阿闍世王奉歸依阿難佛滅後四十年
比阿難尊者至一竹林之中有一比丘誦一法句偈云若人
生百歲不見水潦涸不如生一日而得覩見之上已阿難聞此
偈語比丘云此非佛說汝不可修行爾時比丘問阿難云佛

說如何阿難答云若人生百歲不解生滅法不如生一日而
得解了之上已此文佛說也汝所唱偈此文謬也爾時比丘得
此偈語本師比丘本師云我汝所教偈真佛說也阿難所唱
偈非佛說阿難年老衰言多錯謬不可信此比丘亦捨阿難
不信用等云佛滅後四十年既謬出來何況佛滅後既過
於二千餘年佛法自天竺至唐土自唐土至日本論師三藏
人師等傳來定無謬法萬一歟何況當世學者偏執為先排
我慢火諍水不糾之偶如佛教宣教學者不信用之故不謗
法者萬一歟第二餓鬼道者正法念經云昔貪財屠殺之者

受此報亦云丈夫自啜美食不與妻子或婦人自食不與夫
子受此報亦云爲貪名利不淨說法之者受此報亦云昔酷
酒加水者受此報亦云若人勞而得少物誑惑取用之者受
此報亦云昔行路之人痛苦疲極欺取其賣與直薄少之者
受此報亦云昔典主刑獄取人飲食之者受此報亦云昔伐
陰涼樹及伐衆僧園林之者受此報文法華經云若人不信
毀謗此經○常處地獄如遊園觀在餘惡道如已舍宅文依
慳貪偷盜等罪墮餓鬼道世人易知無慳貪等諸善人依謗
法亦親近謗法人自然依信其義墮餓鬼道非智者不知之
能可恐歟第三畜生道者愚癡無慙徒受信施他物不償

之者受此報也法華經云若人不信毀謗此經○當墮畜生
文已上三第四脩羅道者止觀一云若其心念念常欲勝彼
惡道也文已上三第四脩羅道者止觀一云若其心念念常欲勝彼
不耐下人輕佻珍己如鷄高飛下視而外揚仁義禮智信起
下品善心行阿脩羅道文第五人道者報恩經云三歸五戒
生人文第六天道者有二欲天持十善生色無色天以下地
麤苦障上地靜妙離六行觀生問云六道生因如是抑同時
持五戒受人界生何生盲聾瘖瘂陋癡躄背偃貧窮多病
瞋恚等有無量差別耶答云大論云若破衆生眼若屈衆生
眼若破正見眼言無罪福是人死墮地獄罪畢爲人從生而
盲若復盜佛塔中火珠及諸燈明如是等種種先世業因緣

失眠聾者是先世因緣師父教訓不受不行而反瞋恚以是罪故聾復次截衆生耳若破衆生耳若盜佛塔僧坊諸善人福田中捷推鈴貝及鼓故得此罪先世截他舌或塞其口或與惡藥令不得語或聞師教父母教教斷其語○生世為人啞不能言○先世破他坐禪破坐禪舍以諸咒術咒人令瞋鬪諍姪欲今世諸結使厚重如婆羅門失其稻田其婦復死卽時狂發裸形而走○先世奪佛阿羅漢辟支佛食及父母所親食雖值佛世猶故飢渴以罪重故○先世好行鞭杖拷掠閉繫種種惱故今世得病○先世破他身截其頭斬其手足破種種身分或壞佛像毀佛像鼻及諸賢聖形像或破父

母形像以是罪故受形多不具足復次不善法報受身醜陋文法華經云若人不信毀謗此經○若得爲人諸根闇鈍盲聾背偻○口氣常臭鬼魅所著貧窮下賤爲人所使多病瘠瘦無所依怙○若他叛逆抄劫竊盜如是等罪橫羅其殃文又八卷云若復見受持是經典者出其過惡若實若不實此人現世得白癩病若有輕笑之者當世世牙齒疎缺醜唇平鼻手脚繚戾眼目角眯身體臭穢惡瘡膿血水腹短氣諸惡重病文問云修何業者生六道而成其中王乎答云持大乘菩薩戒而破之者成色界梵王欲界魔王帝釋四輪王禽獸王閻魔王等也心地觀經云王今所受諸福樂往昔曾持三

淨戒戒德薰修所招感人天妙果獲王身。○中品受持菩薩
戒福德自在轉輪王隨心所作盡皆成無量人天悉遵奉下
上品持大鬼王一切非人咸率伏受持戒品雖缺犯由戒勝
故得爲王下中品持禽獸王一切飛走皆歸伏於清淨戒有
缺犯由戒勝故得爲王下下品持琰魔王處地獄中常自在
雖毀禁戒生惡道由戒勝故得爲王。○若不受如來戒尚
不能得野干身何況能感人天中最勝快樂居王位。○文安然
和尚廣釋云菩薩大戒持成法王犯成世王而戒不失譬如
金銀爲器用貴破器不用而寶不失亦云無量壽觀云劫初
已來有八萬王殺害其父此則受菩薩戒雖作國王今犯殺

戒皆墮地獄犯戒力作王大佛頂經云發心菩薩犯罪暫作
天神地祇大隨求云天帝命盡忽入驢腹由隨求力還生天
上尊勝云善住天子死後七返應墮畜生身由尊勝力還得
天報昔有國王千車運水救燒佛塔自起憍心作阿脩羅王
昔梁武帝五百袈裟施須彌山五百羅漢誌公云往施五百
欠一衆犯罪暫作人王卽武帝是昔有國王治民不等今作
天王爲大鬼王卽東南西三天王是拘雷孫末成菩薩發誓
現作北方毗沙門是云以此等文思之小乘戒持破者作
六道民破大乘戒者成六道王持者成佛是也第七聲聞道
者此界因果阿含小乘十二年經分明明之於諸大乘經爲

對大亦明之於聲聞有四種。一優婆塞俗男也。持五戒修苦
空無常無我觀。自調自度。心強無敢化佗之意。斷盡見思。成
阿羅漢。如此時自然剃髮自落。二優婆夷俗女也。持五戒剃
髮自落。如男。三比丘僧也。持二百五十戒。具足修苦空無常
無我觀。斷見思。成阿羅漢。如此之時。不剃髮。不生四比丘尼
也。持五百戒。餘如比丘。一代諸經列座。如舍利弗。目連等。聲
聞是也。永不生六道。亦不成佛菩薩。灰身滅智。決定不成佛。
小乘戒。手本盡形壽戒。一度壞依身。永無戒功德。持上品戒。
二乘持中下生人。天為民破之。墮三惡道。成罪人也。安然和
尚廣釋云。三善世戒。因生感果。業盡墮惡。譬如楊葉。秋至似

金。秋。去。落。地。二乘小乘戒持時。果拙破時。永捨譬。如瓦器完
用。卑若破。永失。第八緣覺道者有二。一。部行。獨覺。在佛前
如聲聞。習小乘法。持小乘戒。斷見思。成永不成佛者。二。麟諭
獨覺。在無佛世。見飛花落葉。作苦空無常無我觀。斷見思。成
永不成佛。身戒亦如聲聞。此聲聞緣覺云。二乘也。第九菩薩
界者。於六道凡夫之中。有輕自身重佗人。以惡向己。以善與
佗。念者佛為此人。於諸大乘經說菩薩戒於此菩薩戒有三。
一者攝善法戒。所謂八萬四千法門。習盡願二者饒益有情
戒。度一切衆生之後。自欲成佛是也。三者攝律儀戒。欲一切
諸戒盡持是也。演華嚴經。心梵網經云。佛告諸佛子。言有十

重波羅提木。又若受菩薩戒。不誦此戒者。非菩薩。非佛種子。我亦如是。誦一切菩薩已學一切菩薩當學一切菩薩。今學文言菩薩者。除二乘一切有情也。如小乘隨戒異也。菩薩戒不爾。一切有心。必授十重禁等持一戒云。一分菩薩具受十分名具足菩薩。故瓔珞經云。有受一分戒名一分菩薩。乃至二分三分四分十分具足受戒。文問云。除二乘。文如何答云。梵網經受菩薩戒者。列云。若受佛戒者。國王王子百官宰相。比丘比丘尼。十八梵天。六欲天子。庶民黃門。姪男姪女。奴婢八部鬼神。金剛神。畜生乃至變化人。但解法師。語盡受得戒。皆名第一清淨者。於此中無二乘也。方等部結經瓔珞經

亦無二乘。問云。二乘所持。不殺生戒。與菩薩所持。不殺生戒。差別如何。答云。雖所持戒名同。持心念永異也。故戒功德。亦有淺深。問云。異擄如何。答云。二乘不殺生戒。永不思還六道。故無化道心。亦不思成佛菩薩。但成灰身滅智思也。譬如燒木成灰之後。無一塵。故此戒譬瓦器。破後無用。故菩薩不爾。發饒益有情戒。持此戒。故見機造五逆十惡。同犯此戒。不破還彌全戒體。故瓔珞經云。有犯不失。盡未來際。故此戒譬金銀器。完持時破時。永不失。故也。問云。持此戒人。經幾劫成佛乎。答云。瓔珞經云。未上住前。若經一劫二劫三劫。乃至十劫。得入初住位。中文意於凡夫持此戒。云信位菩薩。雖

然一劫二劫乃至十劫之間沉輪六道經十劫入不退位永
不受六道苦云不退菩薩未成佛還入六道無苦也第十佛
界者於菩薩位以發四弘誓願為戒三僧祇之間修六度萬
行斷盡見思塵沙無明三惑成佛故也心地觀經云三僧企
耶大劫中具修百千諸苦行功德圓滿遍法界十地究竟證
三身文於因位持諸戒至佛果位莊嚴佛身三十二相八
十種好即是戒功德所感也但至佛果位戒體失譬如華成
果無華形故天台梵網經疏云至佛果乃廢文問云梵網經
等大乘戒許現身造七逆竝決定性二乘乎答云梵網經云
若欲受持戒時師應問言汝現身不作七逆罪耶菩薩法師

不得與七逆人現身受戒文如此文者七逆人現身不許受
戒大般若經云若菩薩設殘伽沙劫受妙五欲於菩薩戒猶
不名犯若起一念二乘之心即名為犯文大莊嚴論云雖恒
處地獄不障大菩提若起自利心是大菩提障文如此等文
者於六凡授菩薩戒於二乘加制止者也嫌二乘戒者非嫌
二乘所持五戒八戒十戒十善戒二百五十戒等彼戒菩薩
可持但嫌二乘心念也夫以持戒為報父母師僧國王主君
一切衆生三寶恩也父母養育之恩深一切衆生互相助恩
重國王以王法治世自佗安穩也依此修善恩重主君亦蒙
彼恩養父母妻子眷屬所從牛馬等設雖不爾顧一身等恩

是重師亦閉邪道趣正道等恩是深佛恩不及言如是無量
恩分有之而二乘此等報恩皆缺故一念起二乘之心過十
惡五逆一念起菩薩之心起一切諸佛之後心之功德也上已
四十餘年之間大小乘戒也言法華經戒者有二一相待妙
戒二絕待妙戒也先相待妙戒者四十餘年大小乘戒與法
華經戒相對爾前云麤戒法華經云妙戒諸經戒嫌未顯真
實戒歷劫修行戒決定性二乘戒也法華經戒眞實戒速疾
頓成戒也不嫌二乘成佛戒等相對論麤妙云相待妙戒也
問云梵網經云衆生受佛戒即入諸佛位位同大覺已眞是
諸佛子文華嚴經云初發心時便成正覺文大品經云初發

心時即坐道場文如此等文於四十餘年大乘戒如法華經
有速疾頓成戒何但云歷劫修行戒乎答云於此有二義一
義云於四十餘年之間有歷劫修行之戒速疾頓成之戒於
法華經者但有一速疾頓成之戒於其中四十餘年之間於
歷劫修行之戒雖劣法華經戒於四十餘年之間速疾頓成
之戒者同法華經戒故上所出衆生受佛戒即入諸佛位等
文法華經須臾聞之即得究竟文同之但無量義經舉四十
餘年經云歷劫修行等嫌四十餘年之內歷劫修行之戒計
也不嫌速疾頓成之戒也一義云四十餘年之間戒一向歷
劫修行戒法華經戒速疾頓成戒也但上所出於四十餘年諸

經速疾頓成戒者。自凡夫地。非速疾頓成。自凡夫地。成無量。行經無量劫。於最後自凡夫地。即身成佛。故從最後說速疾頓成也。委悉論之。歷劫修行。所攝也。故無量義經總舉四十餘年。經佛對無量義經速疾頓成。嫌宣說菩薩歷劫修行大莊嚴菩薩承此義。領解云。過無量無邊不可思議阿僧祇劫。終不得成。無上菩提。何以故。不知菩提。大直道。故行於險逕。多留難。故乃至行大直道。無留難。故。若四十餘年之間。如無量義經。法華經。速疾頓成之戒。有之。佛猥隱四十餘年。實義之失。有之。云。二義之中。作後義者。存知義也。相待妙戒。是也。次絕待妙戒者。於法華經無別戒。爾前戒。即法華經戒。

也。其故。爾前。人天楊葉戒。小乘阿含經。二乘。瓦器戒。華嚴方等般若觀經等。歷劫菩薩。金銀戒之行者。至法華經。互和會。成一同。所以人天楊葉戒。人具。二乘。瓦器。菩薩。金銀戒。菩薩。金銀戒。具人天楊葉。二乘。瓦器。餘以可知。三惡道人。於現身無戒。於過太生人天時。持人天楊葉。二乘。瓦器。菩薩。金銀戒。退墮三惡道。雖然。其功德未失。有之。三惡道人。入法華經時。其戒起之故。三惡道亦具十界。故爾前十界人。來至法華經。皆持戒也。故法華經云。是名持戒。安然和尚廣釋云。法華云。能說法華。是名持戒。如爾前經。隨師不持戒。但信此經。即持戒也。爾前經。不明十界互具。故菩薩經。無量劫修行無。

二乘人天等餘戒功德。但成一界功德。故以一界功德。不遂成佛。故一界功德。亦不成。爾前人至法華經。餘界功德。具一界。故爾前經。即法華經。法華經。即爾前經。法華經。不離爾前經。爾前經。不離法華經。是言妙法。此覺起後行者。讀阿含小乘經。即讀誦一切大乘經。讀法華經人也。故法華經云。決了聲聞法。是諸經之王。阿含經。即法華經云。文也。於一佛乘分別說。三華嚴方等般若。即法華經云。文也。若說俗間經書。治世語言。資生業等。皆順正法。文一切外道老子孔子等。經。即法華經云。文也。梵網經等。權大乘戒法華經。戒有多差別。一彼戒不許。二乘七逆者。二戒功德。不具佛果。三彼歷劫

修行戒也。有如是等多失。於法華經。許二乘七逆者。上博地凡夫。一生之中。入佛位。至妙覺具因果功德也。

正元二年庚申四月二十一日 日蓮 花押

○唱法華題目鈔

錄內十一卷十九紙 啓蒙二十三卷四十一紙

有人予問云。世間之道俗。サセル法華經ノ文義ヲ不辨。一部一卷四要品。自我偈。一句等ヲ受持シ。或ハ自カキ。若ハ人ヲシテモ。ヨミカハセ。或ハ我トヨミカハザレドモ。經ニ奉向。合掌禮拜ヲナシ。香華ヲ供養シ。或ハ如上。行ズル事ナキ人モ。佗ノ行ズルヲ見テ。纔ニ起隨喜心。

高僧遺文 卷六
國中ニ此經ノ弘_レル事ヲ悦_バン。是體ノ僅_カノ事ニヨ_レテ。
世間ノ罪ニモ引_レズ。彼功德ニ引_レテ。小乘ノ初果ノ上
人ノ。度度人天ニ生_レテ。而モ惡道ニ墮_チガルガ如ク。常ニ
受_テ人天生終ニ法華經ヲ意得_ルモノト成_テ。往生十方淨
土。又於此土。即身成佛スル事有_ベキヤ。委細ニ聞_ク之。答_ク云
サセル文義ヲ。辨_ハル身ニハア_ラザレドモ。法華經涅槃
經。竝ニ天台妙樂ノ。釋ノ意ヲモ_テ推_シ量_ルニ。カ_リソ_レ且
ニモ。法華經ヲ信_シテ。聊モ不生_セ謗_ラ人ハ。餘ノ惡ニヒカレ
テ。惡道ニ墮_チベシトハオボエズ。但シ惡知識ト申_テ。纒_ニ
權教ヲ知_レル人。智者ノ由_ラシテ。法華經ヲ我等ガ機ニ。

難_キ協_カ由_テ和_グ。申_サン_テ誠ト思_テ。法華經ヲ隨喜セシ。心
ヲ打捨_テ。餘教ヘウツリハテ。一生サテ法華經ヘ。歸_リ
入_ラザラン人ハ。惡道ニ墮_ベキ事モ有_ナン。付_テ仰_キ疑_ハシ
キ事侍_リ。實ニテヤ侍_ルラン。法華經ニ說_レテ候_トテ。智
者ノ語_ヲ給_シハ。昔_レ三千塵點劫ノ當_リ初_カ大通智勝佛ト申
佛イマス。其佛ノ凡夫ニテ。イマシケル時。十六人ノ王子
御坐_ス。彼父ノ王。佛ニ成_セ給_ヒテ。一代聖教ヲ說_キ給_ヒキ。
十六人ノ王子亦出家_シテ。其佛ノ御弟子ト成_セ給_ヒケ
リ。大通智勝佛。法華經ヲ說_畢セ給_テ。定ニ入_セ給_シカバ。
十六人ノ王子ノ沙彌。其前ニシテ。カハルガハル。法華經

ヲ講ジ給ヒケリ。其所說ヲ聽聞セシ人。幾千萬ト云事ヲ
シラズ。當座ニ悟_リヲエシ人ハ。不退ノ位ニ入ニキ。又法華
經_ヲオ_ルカ_ニ得意結緣ノ人モアリ。其人當座中間ニ
不退ノ位ニ入ラズシテ。三千塵點劫ヲヘタリ。其間又備
ニ輪_回六道四生。今日釋迦如來ノ法華經ヲ說給ニ入不
退位。所謂舍利弗。目連。迦葉。阿難等是也。猶猶信心薄者ハ。
當時モ不悟。未來無數劫ヲ經ベキ歟。不知我等モ大通智
勝佛ノ十六人ノ結緣ノ衆ニモアルラン。此結緣ノ衆ヲ
ハ。天台妙樂ハ。名字觀行ノ位ニ協_カタル人也ト定給ヘリ。
名字觀行ノ位ハ。一念三千ノ義理ヲ辨ヘ。十法成乘ノ觀

ヲ凝_シ。能義理ヲ辨タル人也。一念隨喜。五十展轉ト申
モ。天台妙樂ノ釋ノ如ハ。皆觀行五品ノ初隨喜ノ位ト定
メ給ヘリ。博地ノ凡夫ノ事ニハアラズ。然ニ我等ハ。末代ノ
一字一句等ノ結緣ノ衆。一分ノ義理ヲモ不知。豈不經無
量世界塵點劫耶。是偏ニ理濚解微ノ故ニ。教ハ至テ濚ク。
機ハ實ニ淺キガイタス處也。不如只唱彌陀。名號順次生
往生西方極樂世界。永得不退。無生忍。阿彌陀如來。觀音勢
至等。法華經說給時聞得悟然ルニ彌陀。本願不擇有智無
智。善人惡人。持戒破戒等。只一念唱レバ臨終ニ必ズ。彌陀
如來。本願ノ故ニ。來迎シ給フ。是ヲ以テ思ニ。此土ニシテ。

捨^テ法華經結緣往生淨土思ハ。億千世界ノ塵點ヲ不^レ經^レ疾^ク爲^レ悟^ル法華經也。不能^レ法華經機根人ノ此穢土ニテ。法華經ニ暇ヲ入^テ。一向ニ念佛ヲ不^レ申^ル法華經ノ證ハ難^ク取^ル極樂ノ業ハ不定中間ニナリテ。中中法華經ヲ疎カニスル人ニテカ。御坐ラント申侍ルハ如何。其上只今承^リ候^ヘハバ。纔ニ法華經ノ結緣計ナラバ。不^レ墮^ル三惡道計ニテコノ候ヘ。六道ノ生死ヲ出ルニハアラズ。念佛ノ法門ハナニト不知^レ義理奉唱彌陀名號淨土ニ往生スル由ヲ申^テ遙^クニ法華經ヨリモ。彌陀ノ名號ハイミジクソ聞エ侍レ答^テ云^ク誠ニ仰セメデタキ上智者ノ御物語ニテ侍ナレバサコ

ソト存^ジ候^ヘドモ。但^シ如^ク御物語侍ラバ。少^シ不^レ審^{ナル}事侍^リ。大通結緣ノ者ヲ。アラアラウチアテガイ申^スニハ。名字觀行ノ者トハ。釋セラレテ侍レドモ。正シクハ名字即ノ位ノ者ト。被^レ定^テ侍ル上退大取小ノ者トテ。法華經ヲ棄^テ。權教ニ遷^リ。後ニハ惡道ニ墮^リカリト見タル上正シク^ニ誹^ル法華經捨^レ之^者也。設^キ知^ル義理樣者也トモ。謗^ル法ノ人ニ有^ンハ。上ノ三千塵點。無量塵點モ經ベク侍ル歟。五十展轉。一念隨喜ノ人入^テ。觀行初隨喜ノ位ノ者ト。釋セラレタルハ。末代ノ我等ガ。隨喜等ハ。彼隨喜ノ中ニハ。不可^ク入^ル仰^セ候^歟。是^レ天台妙樂。初隨喜ノ位ト。釋セラレタリ

ト申サル、程ニテハ。又名字即ト釋セラレテ侍ル釋ハ。
捨ラルベキ歟。所詮仰ノ御義ヲ委ク案ズレバ。恐ニテハ
候ヘドモ。謗法ノ一分ニヤ。アランズラン。其故ハ法華經
ヲ我等末代ノ機ニ難協由ヲ仰候ハ。末代ノ一切衆生ハ。
穢土ニシテ。法華經ヲ行ジテ。無詮事也ト仰ラルニヤ。
若サヤウニ侍ラバ。末代ノ一切衆生ノ中ニ此御詞ヲ聞
テ。既ニ法華經ヲ信ズル者モ。打捨未行者モ。行ゼント思
ベカラズ。隨喜ノ心モ。留メ侍ラバ。謗法ノ分ニヤ。アルベ
カルラン。若謗法ノ者ニ。一切衆生ナルナラバ。イカニ念
佛ヲ申サセ給トモ。御往生ハ不定ニコソ侍ランズラメ。

又彌陀ノ名號ヲ唱へ。極樂世界ニ往生ヲトグベキ由ヲ。
仰ラレ侍ルハ。何ナル經論ヲ證據トシテ。此心ハツキ給
ヒケルヤラン。正クツヨキ證文候歟。若ナクバ其義タノ
モレカラズ。前ニ申候ツルガ如ク。法華經ヲ信ジ侍ルハ。
サセル解ナグレトモ。三惡道ニハ墮ベカラズ候。六道ヲ
出ル事ハ。一分ノサトリ。無ラン人ハ難有侍ル歟。但シ惡
知識ニ值テ。法華經隨喜ノ心ヲ言ヤブラレテ候ハンハ。
力不及歟。又付仰驚覺侍リ其故ハ法華經ハ。末代ノ凡夫
ノ機ニ難協由ヲ智者申サレシカバ。サカト思ヒ侍ル處
ニ。只今ノ仰ノ如ナラバ。彌陀ノ名號ヲ唱トモ。法華經ヲ

云ウトマル失ニヨテ。往生ヲモ不遂上惡道ニ墮ベキヨ
レ承ルハ。ユ、レキ大事ニコソ侍レ。抑大通結縁ノ者ハ。
謗法ノ故ニ回六道。又名字即ノ淺位ノ者也。又一念隨喜。
五十展轉ノ者モ。又名字觀行即ノ位ト申釋ハ。何ノ處ニ
候ヤラン。委ク承リ候ハバヤ。又義理ヲモ不知者。纔ニ信
法華經侍ルガ。依惡知識。捨法華經權教ニ移ルヨリ外
ノ。世間ノ惡業ニ引レテハ。惡道ニ墮ベカラザル由。申サ
ルハ。證據アル歟。又無智ノ者ノ。念佛申テ。往生スルト。
何ニ見エテアルヤラント申給コソ。ヨニ事アキラシク
侍レ。雙觀經等ノ。淨土ノ三部經。善導和尚等ノ經釋ニ明

ニ見エテ侍ラシ上ハ。ナニトカ疑給ベキ。答曰大通結縁
ノ者ヲ。退大取小ノ謗法。名字即ノ者ト申ハ。非私義。天台
大師文句第三卷云。聞法未度。而世世相值。于今有住聲聞
地者。即彼時結縁衆ト釋シ給テ侍ルヲ。妙樂大師疏記第
三ニ重テ此釋ノ心ヲ述給テ云。但未入品。俱名結縁故。文
文ノ心ハ。大通結縁ノ者ハ。名字即ノ者也。又天台大師玄
義第六ニ。大通結縁ノ者ヲ。釋シテ云。若信若謗。因倒因起。
如喜根。雖謗後要得度。文ノ心ハ。大通結縁ノ者ノ。經三
千塵點謗法ノ者也。例セバ勝意比丘ガ。喜根菩薩ヲ。謗セ
レガ如シト釋ス。五十展轉ノ人ハ。五品ノ初ノ。初隨喜ノ

位ト申釋モ在之。又初隨喜ノ位ノ先ノ名字即ト申釋モ
アリ。疏記第十云。初法會聞容是初品第五十人。心在隨喜
位。初人也。文。文ノ心ハ。初會聞法ノ人ハ。心初隨喜ノ位ノ
内。第五十人ハ。初隨喜ノ位ノ先ノ名字即ト申釋也。其上
五種法師ニモ。受持讀誦書寫ノ四人ハ。自行ノ人。大經ノ
九人ノ先ノ四人ハ。無解者也。解説ハ。化佗。後ノ五人ハ。有
解人ト證シ給ヘリ。疏記第十ニ。五種法師ヲ釋スルニハ。
或全未入品。又云。一向未入凡位。文。文ノ心ハ。五種法師ハ。
觀行五品ト釋スレドモ。又五品已前ノ名字即ノ位トモ
釋スル也。如此等釋義理ヲ不知。名字即ノ凡夫ガ。隨喜等

ノ功德モ。經文ノ一偈一句。一念隨喜ノ者。五十展轉等ノ
内ニ入歟ト覺エ候。何ニ況ヤ不信此經。謗法ノ者ノ罪業
ハ。譬諭品ニ委ク說レタリ。持經者ヲ謗ズル罪ハ。法師品
ニ說レタリ。信此經者ノ功德ハ。分別功德品。隨喜功德品
ニ說ケリ。謗法ト申ハ。違背ノ義也。隨喜ト申ハ。隨順ノ義
也。不知指義理。一念モ貴キ由申ハ。違背隨順ノ中ニハ。何
レニカ取ラレ候ベキ。又末代無智ノ者ノ。纒ノ供養隨喜
ノ功德ハ。經文ニハ載ラレザル歟如何。其上天台妙樂ノ
釋ノ心ハ。佗ノ人師有テ。法華經ノ乃至童子戲。一偈一句
五十展轉ノ者ヲ。爾前ノ諸經ノ如ク。上聖ノ行儀ト釋セ

ラレタルヲバ。定謗法者給ヘリ。然ルニ作我釋時機ヲ高
ク取テ。末代ニ造惡ノ。凡夫ヲ迷ハシ給ハンハ。自語相違
ニアラズヤ。故妙樂大師五十展轉ノ人ヲ釋シテ云。恐人
謬解者。不測初心。功德之大。而推功上位。蔑此初心。故今示
彼行淺功深。以顯經力。文ノ心ハ。謬說法華經ノ。此經
ハ利智精進。上根上智ノ人ノタメト云ハン事ヲ。佛オソ
レテ。下根下智末代ノ無智ノ者ノ。僅ニ淺キ隨喜ノ功德
ヲ。四十餘年ノ諸經ノ。大人上聖ノ功德ニ。勝レタル事ヲ。
顯サントシテ。五十展轉ノ隨喜ハ。說レタリ。故ニ天台ノ
釋ニハ。外道小乘權大乘マデ。比ベ來テ。法華經ノ最下之

功德勝タル由ヲ釋セリ。所以ニ阿竭多仙人ハ。十二年カ
間。恆河ノ水ヲ畱耳者。兔仙人ハ。一日ノ中ニ。大海ノ水ヲ
ス吸イホス。如此得通ノ仙人ハ。小乘阿含經ノ。三賢ノ淺位
ノ。一通モナキ凡夫ニハ。百千萬倍劣レリ。三明六通ヲ得
タリシ。小乘ノ舍利弗目連等ハ。華嚴方等般若等ノ。諸大
乘經ノ。未斷三惑ノ。一通モナキ。一偈一句ノ凡夫ニハ。百
千萬倍劣レリ。華嚴方等般若經ヲ。習極タル等覺ノ大菩
薩法華經ヲ。僅ニ結緣ヲナセル。未斷三惑無惡不造ノ。未
代ノ凡夫ニハ。百千萬倍劣レル由。釋ノ文顯然也。而ヲ當
世ノ念佛宗等ノ人。我身ノ權教ノ機ニテ。實經ヲ信ゼザ

ル者ハ方等般若ノ時ノ如ニ乘自身ヲハギシメテアル
ベキ處ニ取テ無其義刺ヘ世間ノ道俗ノ中ニ纔ニ觀音
品自我偈ナンドヲ讀ミ適父母孝養ナンドノ爲ニ一日
經等ヲ書事アレバ云妨テ云善導和尚ハ念佛ニ法華經
ヲ交フルヲ雜行ト申百ノ時ハ希ニ一二ヲ得千ノ時ハ
希ニ三五ヲ得乃至千中無一ト仰ラレタリ何況ヤ智
慧第一ノ法然上人ハ法華經等ヲ行ズル者ヲバ祖父ノ
履或ハ群賊等ニ諭ラレタリナンド云ウト侍ルハ如
是申ス師モ弟子モ阿鼻ノ焰ヲヤ招ガンズラント申ス
問云何ナル質竝ニ語ヲ以テカ法華經ヲ世間ニ云ウト

ムル者ニハ侍ルヤヨ餘ニ怖ロシクコソ覺エ候ヘ答云始
ニ智者ノ申サレ候ト御物語候ツルコソ法華經ヲ云ウ
トハル惡知識ノ語ニテ侍レ末代ニ可失法華經者ハ心
ニハ知一代聖教思テ而モ心ニハ不辨權實二經身ニハ
三衣一盃ヲ帶シ或ハ阿練若ニ身ヲカクシ或ハ世間之
人ニイミジキ智者ト思ハレテ而モ法華經ヲヨクヨク
知由人ニ知ラレナントレテ世間ノ道俗ニハ三明六
通ノ阿羅漢ノ如ク被貴可失法華經見エテ候問云其證
據如何答云法華經勸持品云有諸無智人惡口罵詈等及
加刀杖者我等皆當忍文妙樂大師此文ノ意ヲ釋シテ云

初一行通明邪人即俗衆也。文ノ心ハ。此一行ハ在家ノ俗男俗女ガ權教ノ比丘等ニカタラハレテ敵ヲスベシトナリ。經云惡世中比丘邪智心諂曲未得謂爲得我慢心充滿。文妙樂大師此文ノ心ヲ釋シテ云次一行明道門增上慢者。文ノ心ハ惡世末法ノ權教ノ諸ノ比丘我レ法ヲ得タリト慢シテ法華經ヲ行ズルモノハ敵トナルベシト云事也。經云或有阿練若納衣在空閑自謂行眞道輕賤人間者。貪著利養故與白衣說法爲世所恭敬如六通羅漢是人懷惡心常念世俗事假名阿練若好出我等過而作如是言此諸比丘等爲貪利養故說外道論議自作此經典。

誑惑世間人爲未名聞故分別說是經常在大衆中欲毀我等故向國王大臣婆羅門居士及餘比丘衆誹謗說我惡謂是邪見人說外道論議。上此文ヲ釋シテ云三七行明僧聖增上慢者。文經竝ニ釋ノ心ハ惡世ノ中ニ多ノ比丘有テ身ニハ三衣一盃ヲ帶シ阿練若ニ居シテ行儀ハ大迦葉等ノ三明六通ノ羅漢ノ如ク在家ノ諸人ニアラガレテ一言ヲ吐バ如來ノ金言ノ如ク思ハレテ法華經ヲ行ズル人ヲ云破ランガ爲ニ奉向國王大臣等此人ハ邪見ノ者也。法門ハ邪法也ナンド云ウトムル也。上ノ三人ノ中ニ第一ノ俗衆ノ毀ヨリモ第二ノ邪智ノ比丘ノ毀ハ猶

難忍。又第二ノ比丘ヨリモ。第三ノ大衣ノ阿練若ノ僧ハ
甚シ。此三人ハ當世ノ權教ヲ。手本トスル文字ノ法師。茲
ニ諸經論ノ言語道斷ノ文ヲ信ズル。暗禪ノ法師。茲ニ彼
等ヲ信ズル在俗等。四十餘年ノ諸經ト。法華經トノ權實
ノ文義ヲ辨ヘザル故ニ。華嚴方等般若等ノ心佛衆生。即
心是佛。即往十方。西方等ノ文ト。法華經ノ諸法實相。即往
十方。西方ノ文ト。語ノ同ヲ以テ。義理ノ替レルヲ不知。或
ハ諸經ノ言語道斷。心行所滅ノ文ヲ見テ。一代聖教ニハ。
如來ノ實事ヲバ。宣ラレザリケリ。ナンドノ邪念ヲ起
ス故ニ。惡鬼此三人ニ入テ。末代ノ諸人ヲ損ジ。國土ヲモ

破也。故ニ經文ニ云。濁劫惡世中多有諸恐怖。惡鬼入其身。
罵詈毀辱我。乃至不知佛。方便隨宜所說法。文ノ心ハ。濁
惡世ノ時。比丘我信ズル所ノ教ハ。佛ノ方便隨宜ノ法門
トモシラズ。權實ヲ辨ヘタル人出來レバ。罵リ破シナン
ドスベシ。是偏ニ惡鬼身ニ入タルヲミラズト云也。サレ
バ末代ノ愚人可恐事ハ。刀杖虎狼十惡五逆等ヨリモ三
衣一盃ヲ帶セル。暗禪ノ比丘ト。茲ニ權經ノ比丘ヲ貴シ
ト見テ。實經ノ人ヲニクマン俗侶等也。故ニ涅槃經二十二
云。於惡象等心無恐怖。於惡知識生怖畏心。何以故。是惡象
等唯能壞身不能壞心。惡知識者二俱壞故。乃至爲惡象殺

不至三惡爲惡友殺必至三趣此文ヲ章安大師宣云諸
惡象等但是惡緣不能生人惡心惡知識者甘談詐媚巧言
令色牽人作惡以作惡故破人善心名之爲殺即墮地獄文
文ノ心ハ惡知識ト申ハ甘クカタラヒ偽リ媚言ヲ巧ニ
シテ愚癡ノ人ノ心ヲ取テ善心ヲ破ルト云事也總ジテ
涅槃經ノ意ハ十惡五逆ノ者ヨリモ謗法闡提ノモノヲ
オソルベシト誠メタリ闡提ノ人ト申ハ法華經涅槃經
ヲ云ウトムル者ト見エタリ當世ノ念佛者等法華經ヲ
知極メタル由ヲ云ニ因緣譬諭ヲ以テ此經ノイミジキ
故ニ未代ノ機ノオロカナル者不及由ヲノベ強キ弓重

キ鎧カヒナキ人ノ用ニタハサル由ヲ申セバ無智ノ道
俗サモト思テ實ニハ協マジキ權教ニ心ヲ移シテ僅ニ
法華經結緣シヌルヲモ翻シ又人ノ行ズルヲモ法華經
ヲ不隨喜故ニ師弟俱ニ謗法者トナル依之謗法ノ衆生
充滿國中適佛事ヲイトナミ追善ヲ修シ法華經ヲ供養
ズルニモ念佛等ヲ行ズル謗法ノ邪師ノ僧來テ法華經
ハ未代ノ機ニ難協由ヲ示ス故ニ施主モ其說ヲ實ト信
ジテアル間被訪過太ノ父母夫婦兄弟等ハ彌增地獄苦
孝子ハ不孝謗法ノ者トナリ聽聞ノ諸人ハ邪法ヲ隨喜
シ惡魔ノ眷屬トナル日本國中ノ諸人ハ佛法ヲ行ズル

二似テ。不行佛法。適知佛法。智者ハ。國ノ人ニ被捨守護ノ
 善神ハ。不當法味故。威光ヲ失ヒ。利生ヲ止棄。此國本佗方
 給。惡鬼ハ得。便國中ニ入替。大地ヲ動シ。惡風ヲ興シ。一天
 ヲ惱シ。五穀ヲ損ズ。故ニ飢渴出來シ。人ノ五根ニハ。鬼神
 入テ奪精氣。是若疫病。一切ノ諸人無善心。多分ハ墮惡道
 事。偏信惡知識教故也。仁王經云。諸惡比丘。多求名利於國
 王太子王子前。自說破佛法因緣。破國因緣。其王不別信聽
 此語。橫作法制。不依佛戒。是為破佛破國因緣。文ノ心ハ。
 末法ノ諸ノ惡比丘。國王大臣ノ御前ニシテ。國ヲ安穩ナ
 ラシムル様ニシテ。終ニ國ヲ損ジ。佛法ヲ弘ムル様ニシ

テ。還テ可失佛法。國王大臣此由。ヲ濫ク不知食。此言ヲ信
 受スル故ニ。破國失佛教云文也。此時日月失度。時節モタ
 ガヒテ。夏ハサムク。冬ハアタカニ。秋ハ惡風吹キ。赤キ
 日月出テ。望朔ニ非ズシテ。日月蝕シ。或ハ二三等ノ日出
 來セン。大火大風。彗星等起リ。飢饉疫病等アラント見エ
 タリ。損國人ヲ惡道ニオトス者ハ。惡知識ニ過タル事ナ
 キ歟。問云。始ニ智者ノ御物語トテ申ツルハ。所詮後世ノ
 事ノ疑シキ故ニ。善惡ヲ申テ承ランタメ也。彼義等ハ恐
 シキ事ニアルニ。コソ侍ルナレ。一文不通ノ我等カ如ナ
 ル者ハ。イカ何ニシテカ。法華經ニ信ヲ取候ベキ。又心ヲ

バ。何様ニ思定メ侍ラン。答云此身ノ申事ヲモ。一定トオ
 ボシメサルマジキニヤ。其故ハ加様ニ申モ。天魔破旬惡
 鬼等ノ身ニ入テ入ノ善法門ヲ破リヤスラント。思食サ
 レ候ハン。一切ハ賢キガ智者ニテ侍ルニヤ。問云若加様
 ニ疑ヒ候ハバ。我身ハ愚者ニテ侍リ。萬ノ智者ノ御語ヲ
 バ疑ヒサテ信ズル方モ無シテ。空ク一期過レ侍ルベキ
 ニヤ。答云佛ノ遺言ニ。依法不依人ト。説セ給ヒテ候ヘバ。
 如經不説何ニイミジキ人ナリトモ。御信用アルベカラ
 ズ候歟。又依了義經不依不了義經ト説レテ候ヘバ。愚癡
 ノ身ニシテ。一代聖教ノ前後淺深ヲ不辨程ハ了義經ニ

付セ給候ヘ了義經不了義經モ多ク候。阿含小乘經ハ不
 了義經。華嚴方等般若。淨土ノ觀經等ハ了義經。又四十餘
 年ノ諸經ヲ對法華經不了義經。法華經ハ了義經。涅槃經
 ヲ對法華經法華經ハ了義經。涅槃經ハ不了義經。大日經
 ヲ對法華經大日經ハ不了義經。法華經ハ了義經也。故ニ
 四十餘年ノ諸經並ニ涅槃經ヲ打捨サセ給ヒ法華經ヲ
 師匠ト御憑候ヘ。法華經ヲバ。國王父母日月大海須彌山。
 天地ノ如ク思食ヒ。諸經ヲバ關白大臣公卿。乃至萬民衆
 星江河諸山艸木等ノ如ク思食スベシ。我等ガ身ハ末代
 造惡ノ愚者鈍者非法器ノ者。國王ハ臣下ヨリモ。人ヲタ

スクル人。父母ハ佗人ヨリモ。子ヲアハレム者。日月ハ衆
星ヨリ照^ス暗者。法華經機ニ不協^ス況^シ餘經ハ助ケ難シト
思食セ。又釋迦如來ト。阿彌陀如來。藥師。多寶佛。觀音。勢至。
普賢。文殊等ノ。一切ノ諸佛菩薩ハ。我等ガ慈悲ノ父母。此
佛菩薩ノ。衆生ヲ教化スル。慈悲ノ極理ハ。唯法華經ニノ
ミトドマレリト思食セ。諸經ハ惡人愚者鈍者^ト女人根^ト缺
等ノ者ヲ。救フ祕術ヲ。未^ト說顯思食セ。法華經ノ一切經
ニ勝候故ハ。但此事ニ侍リ。而^ル當世ノ學者。法華經ヲバ。
一切經ニ勝タリト讚テ。而モ未代ノ機ニ。不協^ス申テ。皆信
ズル事。豈^ニ謗法ノ人ニ侍ラズヤ。只一口ニ思食シ。切セ給

候へ。所詮法華經ノ文字ヲ。破リサ^キナンドモンニハ。法
華經ノ心。ヤブルベカラズ。又世間ノ道俗ニ對シテ。云ウ
トムルトモ。人用^ベカラズ。只相似タル權經ノ義理ヲ以
テ。云ウトムルニコソ。人ハタ^キブラカサルレト。思食スベ
シ。問云^テ或智者ノ申サレ候シハ。四十餘年ノ諸經ト。八箇
年ノ法華經トハ。成佛ノ方コソ。爾前ハ難行道。法華經ハ
易行道ニテ候へ。往生ノ方ニテハ。同事ニシテ。易行道ニ
侍リ。法華經ヲ書讀テモ。十方ノ淨土。阿彌陀佛ノ國ヘモ
生ルベシ。觀經等ノ諸經ニ付テ。彌陀ノ名號ヲ唱ン人モ。
往生ヲ遂^ベシ。只隨^テ機緣有無^ト何^トヲモ諍^フベカラズ。但シ

彌陀ノ名號ハ。每人易行思テ。日本國中ニ行ジツケタル
事ナレバ。法華經等ノ餘行ヨリモ。易キニコソト申サレ
シハ如何。答云。仰ノ法門ハ。サモ侍ルラン。又世間ノ人モ
多クハ。道理ト思タリゲニ侍リ。但シ身ニハ此義ニ不審
アリ。其故ハ前ニ申セシガ如ク。末代ノ凡夫ハ。智者ト云
トモタノミナシ。世コゾリテ。上代ノ智者ニハ。及ベカラ
ザルガ故ニ。愚者ト申トモイヤシムベカラズ。經論ノ證
文顯然ナランニハ。抑無量義經ハ。爲說法華經序分也。然
ニ始メ寂滅道場ヨリ。今ノ常在靈山ノ無量義經ニ至マ
テ。其春秋ヲ委ク計ヘ舉レバ。四十餘年也。其間ノ所說ノ

經ヲ舉ルニ。華嚴阿含方等般若也。所談ノ法門ハ。三乘五
乘所習ノ法門也。定修行時節宣說菩薩歷劫修行ト云ヒ。
分隨自意隨他意是ヲ隨他意ト宣ヘ。四十餘年ノ諸經ト
ハ箇年ノ所說トノ語同ク義替レル事ヲ定ニハ文辭雖
一而義各異ト說リ。成佛ノ方ハ別ニシテ。往生ノ方ハ一
ナルベシトモオホエズ。華嚴方等般若。究竟最上ノ大乘
經。頓悟漸悟ノ法門。皆未顯眞實ト說タリ。此大部ノ諸經
スラ。未顯眞實ナリ。何況ヤ淨土ノ三部經等ノ。往生極樂
バカリ。未顯眞實ノ内ニモレシヤ。其上經經計ヲ出スノ
ミニアラス。既ニ年月日數ヲ出スヲヤ。然者華嚴方等般

若等ノ彌陀往生已ニ未顯眞實ナル事無疑限觀經彌陀
往生豈不入多留難故内乎若隨自意ノ法華經ノ往生極
樂ヲ隨佗意ノ觀經ノ往生極樂ニ同ジテ易行道ト定テ
而モ易行ノ中ニ取テモ猶觀經ノ念佛往生ハ易行也ト
被立之權實雜亂ノ失大謗法タル上一滴ノ水漸漸ニ流
テ大海トナリ一塵積テ須彌山トナルガ如ク漸ク權經
ノ人モ實經ニ不進實經ノ人モ權經ニオキ權經ノ人次
第ニ國中ニ充滿セバ法華經隨喜ノ心モ留リ國中ニ王
無ガ如ク人ノ神ヲ失ルガ如ク法華眞言ノ諸ノ山寺荒
テ諸天善神龍神等一切ノ聖人國ヲ捨テ去バ惡鬼優ヲ

得テ亂入り惡風吹テ不令成五穀疫病流行シテ人民ヲ
ヤ亡サンズラン此七八年ガ前マデハ諸行永ク往生ス
ベカラズ善導和尚ノ千中無一ト定サセ給タル上選擇
ニハ諸行ヲ抛ヨ行ズル者ハ群賊ト見エタリナント故
語申立シガ又此四五年ノ後ハ選擇集ノ如ク人ヲ勸ン
者ハ謗法ノ罪ニヨテ師檀共ニ無間地獄ニ墮ベント經
ニ見エタリト申法門出來シタリゲニ有シテ始一ハ念
佛者コゾリテ不思議ノ思ヲナス上念佛ヲ申者可墮無
間地獄申惡人外道アリナントノ番シリ候シガ念佛者
無間地獄ニ墮ベント申語ニ智慧ツキテ各選擇集ヲ委

ク披見スル程ニ。ゲニモ謗法ノ書トヤ見ナレケン。千中
無一ノ惡義ヲ留テ。諸行往生ノ由ヲ。毎念佛者立之。雖然
唯口ニノミユルシテ。心ノ中ハ猶本ノ千中無一ノ思也。
在家ノ愚人ハ。内心ノ謗法ナルヲバ不知。諸行往生ノ口
ニ。バカサレテ。念佛者ハ法華經ヲバ。謗セザリケルヲ。法
華經ヲ謗ズル由ヲ。聖道門ノ人ノ申サレシハ。僻事也ト
思ヘルニヤ。一向諸行ハ千中無一ト申人ヨリモ。謗法ノ
心ハマサリテ候也。無失由人ニ知セテ。而モ念佛計ヲ亦
弘ントタバカル也。偏ニ天魔ノ計ゴト也。問云。天台宗ノ
中ノ人ノ立ル事有之。天台大師爾前ト法華ト相對シテ。

爾前ヲ嫌ニ有ニ義。一ニハ約部。四十餘年ノ部ト。法華經
ノ部ト相對シテ。爾前ハ麤也。法華ハ妙也ト立之。二ニハ
約教。教ニ立麤妙。華嚴方等般若等ノ。圓頓速疾ノ法門ヲ
バ。妙ト歎シ。華嚴方等般若等ノ。三乘歷別ノ修行ノ法門
ヲバ。前三教ト名テ。麤也ト嫌ヘリ。圓頓速疾ノ方ヲバ不
嫌。同法華經一味ノ法門トセリト申ハ如何。答云。此事ハ
不審ニモスル事侍ルラン。可然ヲボユ。天台妙樂ヨリ已
來。今ニ有論事侍リ。天台ノ三大部六十卷。總シテ五大部
ノ章疏ノ中ニ。約教ノ時ハ。爾前ノ圓ヲ嫌ノ文無之。只約
部ノ時バカリ。爾前ノ圓ヲ押衆末フサテ嫌ヘリ。日本ニ二

義アリ。園城寺ニハ。智證大師ノ釋ヨリ起テ。爾前ノ圓ヲ
嫌フト云。山門ニハ云。不嫌。互ニ有。文釋。俱ニ有。料簡然ト
モ。于今事ユカズ。但シ予ガ流義ニハ。不審晴テ覺エ候。其
故ハ天台大師。四教ヲ立給ニ。四ノ筋目アリ。一ニハ爾前
ノ經ニ立。四教ニハ法華經ト爾前ト相對シテ。爾前ノ
圓ヲ同。法華圓嫌前三教事有之。三ニハ爾前ノ圓ヲ攝。
別教嫌前三教。法華ノ圓ヲバ。立純圓。四ニハ爾前ノ圓ヲ
バ。法華ニ對スレドモ。但法華經ノ二妙ノ中ノ相待妙ニ
同シテ。絶待妙ニハ不同之。此四ノ道理ヲ相對シテ勘六
十卷。狐疑氷解タリ。一一ノ證文ハ。且ハ祕シ且ハ繁キ故

ニ不載之。又法華經於本門爾前圓迹門圓嫌之事無不審
者也。爾前圓攝別教約教時前三爲麤後一爲妙云也。此時
ハ爾前ノ圓ハ。無量義經ノ歷劫修行ノ中ニ入ル。又傳教
大師ノ註釋ノ中ニ舉爾前ハ教。入四十餘年未顯眞實內
或ハ三教ヲバ立迂回爾前ノ圓ヲバ直道ト云。無量義經
ヲバ。大直道ト說リ。委細ニ可見之問云。信法華經入ハ本
尊行儀並ニ常ノ所行ハ。何ニテカ候ベキ。答云。第一ニ本
尊ハ。法華經ハ卷一品。或ハ題目ヲ書テ。本尊ト可定。
法師品並ニ神力品ニ見エタリ。又堪タラン人ハ。釋迦如
來。多寶佛ヲ書テモ造テモ。法華經ノ左右ニ可奉立之。又

タヘタランハ。十方ノ諸佛普賢菩薩等ヲモ。可奉造書行儀ハ本尊ノ御前ニシテ。心坐立行ナルベシ。出道場行住坐臥ヲ。ユラブベカラズ。常ノ所行ハ。可唱南無妙法蓮華經。タヘタラン人ハ。可奉讀一偈一句助緣ニハ南無釋迦牟尼佛。多寶佛十方諸佛。一切ノ諸菩薩。二乘天人龍神八部等可隨心。愚者多キ世トナレバ。一念三千ノ觀ヲ先トセズ。其志アラシムルハ。心ズ習學シテ可觀之問云。只題目計ヲ唱ル功德如何。答云。釋迦如來說法華經思食シテ出世シ給シカドモ。四十餘年ノ程ハ。法華經ノ御名ヲ祇シ思食シテ。御年三十ノ比ヨリ。七十餘ニ至マデ。法華經ノ

方便ヲ設ケ。七十二ニシテ。始テ題目ヲ呼出サセ給ヘバ。諸經ノ題目ニ不可比之。其上法華經ノ肝心。方便壽量品ノ。一念三千久遠實成ノ法門ハ。此妙法ノ二字ニオサマレリ。天台大師玄義十卷造リ給フ。第一卷ニハ。略シテ妙法蓮華經ノ。五字ノ意ヲ宣給フ。第二卷ヨリ七卷ニ至マデハ。又廣ク妙ノ一字ヲ宣ベ。八卷ヨリ九卷ニ至マデハ。法蓮華ノ三字ヲ釋シ。第十卷ニハ。經ノ一字ヲ宣給ハリ。經ノ一字ニ華嚴阿含方等般若涅槃經ヲ收タリ。妙法ノ二字ハ。玄義ノ心ハ。百界千如。心佛衆生ノ法門也。止觀十卷ノ心ハ。一念三千。百界千如。三千世間。心佛衆生三無差

別ト立給。一切ノ諸佛菩薩。十界ノ因果。十方ノ艸木瓦礫
等。妙法ノ二字ニアラズト云事ナシ。華嚴阿含等ノ四十
餘年ノ經經。小乘經ノ題目ニハ。不收。大乘經ノ功德。又大乘
經ニモ。說往生諸經ノ題目ニハ。不攝成佛功德。又有王無
王中。王經佛モ亦隨經不收。他佛功德以平等意趣。他佛自
佛同シト云ヒ。或ハ以法身平等。自佛他佛同シト云フ。實
ニハ一佛ニ一切佛ノ功德ヲオサメズ。今法華經ハ四十
餘年ノ諸經ヲ一經ニ收メテ。十方世界ノ三身圓滿ノ諸
佛ヲアツメテ。釋迦一佛ノ分身ノ諸佛ト談ズル故ニ。一
佛一切佛ニシテ。妙法ノ二字ニ諸佛皆收レリ。故ニ妙法

蓮華經ノ五字ヲ唱ル功德莫大也。諸經ノ題目ハ法華經
ノ所開也。妙法ハ能開也トシリテ。法華經ノ題目ヲ唱フ
ベシ。問云此法門ヲ承テ。又智者ニ尋申候ニバ。法華經ノ
イミジキ事ハ不及左右候。但シ器量ナラン人ハ唯我身
計ハ可然。未代ノ凡夫ニ向テ。タダチニ機ヲモ不知。爾前
ノ教ヲ云ウトメ。行法華經申ハ年來ノ念佛ナンドヲバ
打捨。又法華經ニハ未入功有ニモ無ニモツカス。擡ニテ
有シスラン又不知機。說法華經給ハバ。信ズル者ハ不及
左右若謗ズル者アラバ。定テ地獄ニ墮候ハンズラン。其
上佛モ四十餘年ノ間。說法華經給ハザル事ハ若但讚佛

乘衆生没在苦ノ故也。在世ノ機スラ猶爾也。何況ヤ未代ノ凡夫ヲヤ。サレバ譬諭品ニハ。佛告舍利弗言無智人中莫說此經云。此等ノ道理ヲ申スハ。如何カ候ヘキ。答云。智者ノ御物語ト。仰承リ候ヘバ。所詮末代ノ凡夫ニハ。機ヲカガミテ說無左右說テ。人ニ誘ゼサスル事ナカレトコソ候ナレ。彼人サヤウニ申サレ候ハバ。御返事候ベキヤウハ。抑若但讚佛乘乃至無智人中等ノ文ヲ出シ給ハバ。又一經之内ニ凡有所見我深敬汝等等說テ不輕菩薩ノ杖木瓦石ヲ以テ打ハラレサセ給シテ。顧ミサセ給ハザリシハ。如何ト申サセ給ヘ問云。一經ノ中ニ相違ノ候ナ

ル事コソヨニ難得心侍レバクハシク承リ候ハン答云。方便品等ニハ機ヲカガミテ可說此經見エ不輕品ニハ。誘ズトモ唯強テ可說之見エ侍リ一經ノ前後如水火然ルヲ天台大師會シテ云。本已有善釋迦以小而將護之本。未有善不輕以大而強毒之。文ノ意ハ本善根アリテ今生ノ内ニ可得解者ノ爲ニハ直ニ法華經ヲ說ベシ然レドモ法華經ヲ說テ聞テ誘ズベキニハ暫ク以權經ヲコシテヘテ後ニ可說法華經本大ノ善根モナク今モ法華經ヲ信ズベカラザルハナニトナクトモ惡道ニ墮ヌベキ故ニ但押テ說法華經今誘之逆縁トモナセト會スル文

也。如此釋者。末代ニハ無善者ハ多ク。有善者ハ少シ。故ニ
隨惡道事無疑同ノハ法華經ヲ強テ說聞セテ毒鼓ノ緣
ト可成歟。然レバ說法華經可結謗緣時節ナル事無諍者
ヲヤ。又法華經ノ方便品ニ五千ノ上慢アリ。聞略開三顯
一。廣開三顯一ノ時佛ノ御カヲ以テ座ヲタシメ給フ。
後ニ涅槃經竝ニ四依ノ邊ニシテ。今生ニ得悟給ト。諸法
無行經ニ喜根菩薩勝意比丘ニ向テ大乘ノ法門ヲ強テ
說聞セテ謗ゼサセシト。此ニツノ相違ヲバ。天台大師會之
云。如來以悲故發遣喜根以慈故強說。文ノ意ハ佛ハ悲
ノ故ニ後ノタ樂ノシメテ閣テ當時法華經ヲ謗ジテ地獄

ニ墮テ苦ニアフベキヲ悲ミ給ヒテ座ヲタシメ給キ。
譬如母子知有病悲當時苦無左右不加灸喜根菩薩慈ノ
故ニ不顧其時苦思後樂強令說聞之。譬如父慈故見有子
病。不顧其時苦思後故加灸。又佛在世ニハ佛法華經ヲ祕
シ給シカバ。四十餘年ノ間等覺不退ノ菩薩サヘ不知名
其上壽量品ハ法華經八箇年ノ内ニモ祕名最後ニ聞シ
メ給ヒキ。末代ノ凡夫ニハ無左右如何可令聞オボユル
處ヲ妙樂大師釋云。佛世當機故簡末代結緣故聞ト釋シ
給ヘリ。文ノ心ハ佛在世ニハ佛一期ノ間多一人不退ノ
位ニノホリヌベキ故ニ法華經ノ名義ヲ出シテ不令謗

之機ヲコシラヘテ説之佛滅後ニハ當機衆ハ少ク。結縁ノ衆ハ多キガ故ニ就多分無左右可説法華經云文也。是體ノ多ノ品アリ。又末代ノ師ハ多ハ不知機不知機強テ但可説實教歟。サレバ天台大師釋云等是不見但説大無咎。文ノ心ハ不知機但説大失ナレト云文也。又見時機説法スル方モアリ。皆國中ノ諸人信權經謗實經強ニ不用彈呵ノ心ヲモテ可説歟。時ニ依テ用否アルベシ。問云唐土ノ人師ノ中ニ一分一向ニ留權大乘不入實經者ハ何故ニテ候耶。答云佛世ニ出マシマシテ先四十餘年ノ權大乘小乘ノ經ヲ説後ニハ法華經ヲ説テ言ク若以小

乘化乃至於一人我則墮慳貪此事爲不可文此經文ノ心ハ佛但爾前ノ經許ヲ説テ法華經ヲ説給ハズハ佛慳貪ノ失アリト説レタリ。後ニ屬累品ニイタリテ佛右ノ御手ヲ伸テ三たび諫ヲナシテ三千大千世界ノ外八方四百萬億那由他ノ國土ノ諸菩薩ノ頂ヲナゲテ未來ニハ必法華經ヲ説ベシ。若機タエズハ餘ノ深法ノ四十餘年ノ經ヲ説機ヲコシラヘテ可説法華經見エタリ。後ニ涅槃經ニ重テ説此事佛滅後有四依菩薩説法。又有法四依終不弘實經可知天魔由ヲ説レタリ。故ニ如來ノ滅後五百年九百年ノ間ニ出給シ。龍樹菩薩。天親菩薩等徧ノ弘

如來聖教給ニ天親菩薩ハ。小乘說一切有部ノ人。俱舍論ヲ造テ。阿含十二年ノ經ノ心ヲ宣テ。一向ニ不明大乘義理。次造十地論。攝大乘論釋論等。宣四十餘年。權大乘心後。造佛性論法華論等。粗宣實大乘義。龍樹菩薩亦然也。天台大師唐ノ人師トシテ。分一代大小權實顯然也。餘ノ人師ハ。僅ニ說義理不分明。又證文不慥。但シ末ノ論師。並ニ譯者。唐土ノ人師ノ中ニ。分大小於大中。不分權實。或ハ語ニハ。雖分之心ハ。不出權大乘趣。此等ハ。不退諸菩薩其數如恆沙。亦復不能知ト。覺テ候也。疑云。唐土ノ人師ノ中ニ。慈恩大師ハ。十一面觀音ノ化身。自牙放光善導和尚ハ。彌陀

ノ化身。自口出佛。此外ノ人師。現通施德發得三昧人多世。何ゾ辨權實二經。法華經ヲ詮トモザルヤ。答云。阿竭多仙人外道ハ。十二年ノ間。耳ノ中ニ恆河ノ水ヲ納ル。婆藪仙人ハ。成自在天。三目ヲ現ズ。唐土ノ道士ノ中ニモ。張階ハ霧ヲイダシ。鸞巴ハ雲ヲ吐ク。第六天ノ魔王ハ。佛滅後ニ比丘比丘尼。優婆塞優婆夷。阿羅漢。辟支佛ノ形ヲ現シテ。可說四十餘年。經見エタリ。以通力不可知。智者愚者歟。唯如佛遺言。一向弘權經。不弘實經者。權經ニ有宿習。不入實經者ハ。或ハ魔ニ被註。現通歟。但以法門可糾邪正。不可依利根通力。

文應元年

大歲庚申

五月二十六日

日蓮

花押

於鎌倉名越書畢

○立正安國論

廣本
真蹟新加

沙門日蓮勤

旅客來嘆曰。自近年至近日。天變地夫。飢饉疫癘。遍滿天下。廣送地上。牛馬斃巷骸骨充路。招死之輩。既起大半。不悲之族。敢無一人。然間或專利劍。即是之文唱。西土教主之名。或持來病悉除之願。誦東方如來之經。或仰病即消滅。不老不死之詞。崇法華真實之妙文。或信七難即滅。七福即生之句。

百座百講之儀。調有因。祕密真言之教。灑五餅之水。有全坐禪。不定之儀。澄空觀之月。若書七鬼神之號。而押千門。若圖五大力之形。而懸萬戶。若拜天神地祇。而企四角四界之祭祀。若哀萬民百姓而行。國主國宰之德政。雖然唯摧肝膽。彌逼飢疫。乞容溢目。死人滿眼。臥屍為觀。竝尸作橋。夫二離合壁。五緯連珠。三寶在世。百王未窮。此世早衰。其法何廢。是依何禍。是由何誤矣。主人曰。獨愁此事情。憤悻胸臆。客來共嘆。屢致談話。夫出家而入道者。依法而期佛也。今神術不協。佛威無驗。具觀當世之體。愚發後生之疑。然則仰圓覆而吞恨。俯方載而滾慮。情傾微管。聊披經文。世皆背正。人悉歸邪。故善

神捨國太聖人辭所而不還。是以魔來鬼來災難並起不可
不言。不可不恐。客曰：天下之災，國中之難，余非獨嘆，衆皆悲。
今入蘭室，初承芳詞，神聖太辭，災難並起，出何經哉？聞其證
據矣。主人曰：其文繁多，其證弘博。金光明經云：於其國土雖
有此經，未嘗流布，生捨離心，不樂聽聞，亦不供養，尊重讚歎。
見四部衆持經之人，亦復不能尊重，乃至供養，遂令我等及
餘眷屬無量，諸天不得聞此甚深妙法，背甘露味，失正法流。
無有威光，及以勢力增長，惡趣損減，人天墜生死，河非涅槃
路。世尊我等四王，並諸眷屬及藥叉等，見如斯事，捨其國土，
無擁護心。非但我等捨棄，是王心有無量守護國土諸大善。

神皆悉捨離，已捨離其國，當有種種災過，喪失國位。一切人
衆皆無善心，唯有繫縛殺害，瞋諍互相讒詔，枉及無辜，疫病
流行，彗星數出，兩日並現，薄蝕無恆，黑白二虹表不祥，相星
流地動，井內發聲，暴雨惡風，不依時節，常遭飢饉，苗實不成。
多有佗方怨賊，侵掠國內，人民受諸苦惱，土地無有所樂之
處。云：大集經云：佛法實隱沒，鬚髮爪皆長，諸法亦忘失，當
時虛空中大聲震於地，一切皆遍動，猶如水上輪，城壁破落，
下屋宇悉圯，圻樹林根枝葉華葉果葉藥盡，唯除淨居天欲
界一切處，七味三精氣損減，無有餘，解脫諸善論，當時一切
盡。所生華果味希少，亦不美，諸有井泉池一切盡枯涸，土地

悉鹹鹵。敵裂成丘澗。諸山皆焦然。天龍不降雨。苗稼皆枯死。生者皆死盡。餘艸更不生。皆昏闇。日月不現明。四方皆亢旱。數現諸惡瑞。十不善業道。貪瞋癡倍增。衆生於父母觀之。如獐鹿。衆生及壽命。色力威樂減。遠離人天樂。皆悉墮惡道。如是不善業。惡王惡比丘。毀壞我正法。損滅天人道。諸天善神王。悲愍衆生者。棄此濁惡國。皆悉向餘方。云仁王經云。國土亂時。先鬼神亂。鬼神亂。故萬民亂。賊來劫國。百姓亡喪。臣君太子王子百官。共生是非。天地怪異。二十八宿星道。日月失時。失度多有賊起。亦云。我今五眼明見三世一切國王。皆由過太世侍五百佛。得爲帝王。主是爲一切聖人羅漢而爲。

來生彼國土中。作大利益。若王福盡時。一切聖人皆爲捨去。若一切聖人太時。七難心起。云藥師經云。若刹帝利灌頂王等。災難起時。所謂人衆疾疫難。佗國侵逼難。自界叛逆難。星宿變怪難。日月薄蝕難。非時風雨難。過時不雨難。云仁王經云。大王。吾今所化百億須彌百億日月。一一須彌有四天下。其南閻浮提有十六大國。五百中國。十千小國。其國土中有七可畏難。一切國王爲是難。故云何爲難。日月失度時。節反逆。或赤日出。黑日出。二三四五日出。或日蝕無分。或日輪一重。二三四五重輪現。爲一難也。二十八宿失度。金星彗星輪星。鬼星。火星。水星。風星。刁星。南斗。北斗。五鎮。太星。一切。

國主星三公星百官星如是諸星各各變現爲二難也。大火燒國萬姓燒盡或鬼火天火山神火人火樹木火賊火如是變怪爲三難也。大水洩沒百姓時節反逆冬雨雪冬時雷電霹靂六月雨冰霜雷雨赤水黑水青水雨土山石山雨沙礫石江河逆流浮山流石如是變時爲四難也。大風吹殺萬姓國土山河樹木一時滅沒非時大風黑風赤風青風天風地風火風水風如是變爲五難也。天地國土亢陽炎火洞然百艸亢旱五穀不登土地赫然萬姓滅盡如是變時爲六難也。四方賊來侵國內外賊起火賊水賊風賊鬼賊百姓荒亂刀兵劫起如是怪時爲七難也。云大集經云若有國王於

無量世修施戒慧見我法滅捨不擁護如是所種無量善根悉皆滅失其國當有三不祥事。一者穀貴二者兵革三者疫疠一切善神悉捨離之其王教令人不隨從常爲鄰國之所侵燒暴火橫起多惡風雨暴水增長吹漂人民內外親戚其共謀叛其王不久當遇重病壽終之後生大地獄中乃至如王夫人太子大臣城主柱師郡守宰官亦復如是。上夫四經文朗萬人誰疑而盲瞽之輩迷惑之人妄信邪說不辨正教故天下世上於諸佛衆經生捨離之心無擁護之志仍善神聖人捨國本所是以惡鬼外道成災致難矣。客作色曰後漢明帝者悟金人之夢得白馬之教上宮太子者誅守屋之逆。

成寺塔之構爾來上自一人下至萬民崇佛像專經卷然則
叡山南都園城東寺四海一州五畿七道佛經星羅堂宇雲
布鷲子之族則觀鷲頭之月鶴勒之流亦傳雞足之風誰謂
褊一代之教廢三寶之跡哉若有其證委聞其故矣主人諭
曰佛閣連甍經藏竝軒僧者如竹葦侶者似稻麻宗重年舊
尊貴日新但法師詔曲而迷惑人倫王臣不覺而無辨邪正
仁王經云諸惡比丘多求名利于國王太子王子前自說破
佛法因緣破國因緣其王不別信聽此語橫作法制不依佛
戒云守護經云大王此惡沙門破戒行惡汙穢一切族姓
之家向於國王大臣官長論說毀謗真實沙門橫言是非乃

至一寺同一國邑一切惡事皆推與彼真實沙闍國王大臣
官長遂令驅逐真實沙門盡出國界其破戒者自在遊行而
與國王大_臣官長共為親厚云又云風雨不節旱澇不調
飢饉相仍冤敵侵擾疾疫災難無量百千云又云釋迦牟
尼如來所有教法一切天魔外道惡人五通神仙皆不破壞
乃至少分而此名相諸惡沙門皆悉毀滅令有無餘如須彌
山假使盡於三千界中艸木為薪長時焚燒一毫無損若劫
火起火從內生須臾燒滅無餘灰燼云最勝王經云見行
非法者而生於愛敬於行善法人芳楚而治罰由愛敬惡人
治罰善人故星宿及風雨皆不以時行又云三十三天衆咸

生忿心。因此損國政。詔偽行。世間惡風起。無恆暴雨。非時下。又云。彼諸天王衆。共作如是言。此王作非法。惡輩相親附。王位不久安。諸天皆忿恨。由彼懷忿。故其當敗亡。天主不護念。餘天減捨棄國土。當滅亡。王身受苦。危父母及妻子兄弟。姊妹俱遭愛別離。乃至怨賊來國。王流星隨。二日俱時出。佗方怨賊來國。人遭喪亂。云。太集經云。若復有諸刹利國王。作諸非法。惱亂世尊。聲聞弟子。若以毀罵刀杖打斫及奪衣。盜種種資具。若佗給施。作留難者。我等令彼自然九十年起。佗方怨敵及自國土。亦令兵起。病疫飢饉。非時風雨。鬪諍言訟。又令其王不久復當亡失己國。云。大涅槃經云。若男子

如來正法將欲滅盡。爾時多有行惡比丘。不知如來微密之藏。譬如癡賊棄捨眞寶。撰負艸芥。不解如來微密藏。故於是經中懈怠不勤。哀哉。大險當來之世。甚可怖畏。諸惡比丘。鈔略是經。分作多分。能滅正法。色香美味。是諸惡人。雖復讀誦。如是經典。滅除如來深密要義。安量世間莊嚴文飾。無義之語。鈔前著後。鈔後著前。鈔中著前後。當知如是諸惡比丘。是魔伴侶。又云。菩薩於惡象等心。無恐怖於惡知識。生怖畏心。爲惡象殺。不至三趣。爲惡友殺。心至三惡。云。又云。我涅槃後。無量百歲。四道聖人。悉復涅槃。正法滅後。於像法中。當有比丘。似像持律。少讀誦經。貪嗜飲食。長養其身。雖著袈裟。猶

如獵師細視徐行如貓伺鼠常唱是言我得羅漢外現賢善
內懷貪嫉如受啞法婆羅門等實非沙門現沙門像邪見熾
盛誹謗正法法華經云有諸無智人惡口罵詈等及加刀杖
者我等皆當忍惡世中比丘邪智心諂曲未得謂為得我慢
心充滿或有阿練若納衣在空閑自謂行真道輕賤人間者
貪著利養故與白衣說法為世所恭敬如不通羅漢乃至常
在大眾中欲毀我等故向國王大臣婆羅門居士及餘比丘
衆誹謗說我惡謂是邪見人說外道論義濁劫惡世中多有
諸恐怖惡鬼入其身罵詈毀辱我濁世惡比丘不知佛方便
隨空所說法惡口而擲塵數數見擯出云涅槃經云善男

子一闡提作羅漢像住於空處誹謗方等大乘經典諸凡夫
人見已皆謂真阿羅漢是大菩薩云般泥洹經云有似羅
漢一闡提而行惡業似一闡提阿羅漢而作慈心有似羅漢
一闡提者是諸衆生誹謗方等似一闡提阿羅漢者毀訾聲
聞廣說方等語衆生言我與如來俱是菩薩所以者何一切
皆有如來性故然彼衆生謂一闡提又云不見究竟處者永
不見彼一闡提輩究竟惡亦不見彼無量生死究竟之處上
經就文見世誠以然矣不誠惡侶者豈成善事哉客猶憤曰
明王因天地而成化聖人察理非而治世世上之僧侶者天
下之所歸也於惡侶者明王不可信非聖人者賢哲不可仰

今以賢聖之尊重則知龍象之不輕何吐妄言強成誹謗以誰人謂惡比丘哉委細欲聞矣主人曰客付疑雖有重重子細默繁止多事且出一察萬後鳥羽院御宇有法然作選擇集矣則破一代之聖教遍迷十方之衆生其選擇云道綽禪師立聖道淨土二門而捨聖道正歸淨土之文初聖道門者就之有二乃至準之思之應存密大及以實大然則今真言佛心天台華嚴三論法相地論攝論此等八家之意正在此也曇鸞法師往生論註云謹案龍樹菩薩十住毗婆沙云菩薩求阿毗跋致有二種道一者難行道二者易行道此中難行道者即是聖道門也易行道者即是淨土門也淨土宗學

者先須知此旨設雖先學聖道門人若於淨土門有其志者須棄聖道歸於淨土又云善導和尚立正雜二行捨雜行歸正行之文第一讀誦雜行者除上觀經等往生淨土經已外於大小乘顯密諸經受持讀誦悉名讀誦雜行第三禮拜雜行者除上禮拜彌陀已外於一切諸佛菩薩等及諸世天等禮拜恭敬悉名禮拜雜行私云見此文須捨雜修專豈捨百即百生專修正行堅執千中無一雜修雜行乎行者能思量之又云貞元入藏錄中始自大般若經六百卷終于法常住經顯密大乘經總六百三十七部二千八百八十三卷也皆須攝讀誦大乘之一句當知隨佗之前暫雖開定散門隨自

高祖遺文
之後還閉定散門一開以後永不閉者唯是念佛一門又云
念佛行者心可具足三心之文觀無量壽經云同經疏云問
曰若有解行不同邪雜人等防外邪異見之難或行一分二
分羣賊等喚回者即諭別解別行惡見人等私云又此中言
一切別解別行異學異見等者是指聖道門又最後結句文
云夫速欲離生死二種勝法中且閣聖道門選入淨土門欲
入淨土門正雜二行中且拋諸雜行選應歸正行上就之見
之引曇鸞道綽善導之謬釋建聖道淨土難行易行之旨以
法華真言總一代之大乘六百三十七部二千八百八十三
卷竝一切諸佛菩薩及諸世天等皆攝聖道難行雜行等或

捨或閉或閣或拋以此四字多迷一切剩以三國之聖僧十
方之佛弟等皆號羣賊併令罵詈近背所依淨土三部經唯
除五逆誹謗正法誓文遠迷一代五時之肝心法華經第二
若人不信毀謗此經乃至其人命終入阿鼻獄誠文者也於
是代及末代人非聖人各容冥衢竝忘直道悲哉不樹瞳矇
痛哉徒催邪信故上自國主下至土民皆謂經者無淨土三
部之外經佛者無彌陀三尊之外佛仍傳教弘法慈覺智證
等或涉萬里之波濤而所渡之聖教或回一朝之山川而所
崇之佛像若高山之巔建華界以安置若深谷之底起蓮宮
以崇重釋迦藥師之竝允也施威於現當虛空地藏之成化

也。被益於生後。故國主寄郡鄉。以明燈燭。地頭充田園。以備
供養。而依法然之選擇。則忘教主。而貴西土之佛。馱拋付屬。
而閣東方之如來。唯專四卷三部之經典。空拋一代五時之
妙典。是以非彌陀之堂。皆止供佛之志。非念佛之者。早忘施
僧之懷。故佛堂零落。瓦松之煙。老僧房荒廢。庭艸之露。滋雖
然。各捨護惜之心。竝廢建立之思。是以住持聖僧行而不歸。
守護善神。本而無來。是偏依法然之選擇也。悲哉。數十年之
間。百千萬之人。被蕩魔緣。多迷佛教。好傍忘正善神。不為怒
哉。捨正好邪惡鬼。不得復哉。不如修彼萬祈。禁此一凶矣。容
殊作色曰。我本師釋迦文說淨土三部經。以來曇鸞法師捨

四論講說。一向歸淨土。道綽禪師閣涅槃。廣業偏弘西方行
業善導和尚。拋法華雜行。入觀經專修。慧心僧都集諸經之
要文。宗念佛之一行。永觀律師閉顯密二門。入念佛一道。貴
重彌陀誠以然矣。又往生之人。其幾哉。就中法然聖人。幼少
而昇叡山。十七而涉六十卷。竝究八宗。具得太意。其外一切
經論七遍。反覆章疏傳記。莫不究者。智齊日月。德越先師。雖
然猶迷出離之趣。不辨涅槃之旨。故遍觀悉鑒。深思遠慮。遂
拋諸經專修念佛。其上蒙一夢之靈應。弘四裔之親疎。故或
號勢至之化身。或仰善導之再誕。然則十方貴賤低頭。一朝
男女運步。爾來春秋推移。星霜積而忝疎釋尊之教。恣譏彌

陀之文何以近年之災課聖代之時強毀先師更罵聖人吹
毛未疵剪皮出血自昔至今如此惡言未聞可惶可慎罪業
至重科條爭道對座猶以有恐攜杖而則欲歸矣主人咲止
曰習辛蓼葉忘臭涸廁聞善言而思惡言而指謗者謂聖人
疑正師而擬惡侶其迷誠深其罪不淺聞事起委談其趣釋
尊說法之內一代五時之間立先後辨權實而墨鸞道綽善
導等既就權忘實依先捨後未探佛教淵底者就中法然雖
酌其流不知其源所以者何以大乘經六百三十七部二千
八百八十三卷竝一切諸佛菩薩及世天等置捨閉閣拋之
四字蕩一切衆生之心是偏展私曲之詞全不見佛經之說

妄語之至惡口之科言而無比責而有餘具案事心超過慈
恩弘法三乘真實一乘方便望作戲論之邪義勝出允宅法
藏涅槃正見法華邪見寂場本教鷲峯末教之惡見大慢婆
羅門之蘇生歟無垢論師之再誕歟恐怖毒蛇遠離惡賊破
佛法因緣之金言是也而人皆信其妄語悉貴彼選擇故崇
淨土之三經而拋衆經仰極樂之一佛而忘諸佛誠是諸佛
諸經之怨敵聖僧衆人之讎也此邪教廣弘八荒周遍十方
抑以近年之災難往代之由強恐之聊引先例可悟汝迷止
觀第二引史記云周末有被髮袒身不依禮度者弘決第二
釋此文引左傳云初平王之東遷也伊川見被髮者於野祭

識者曰不及百年其禮先亡爰知徵前顯災後致又阮籍逸才蓬頭散帶後公卿子孫皆敬之奴苟相辱者方達自然搏節兢持者呼為田舍為司馬氏滅相又案慈覺大師入唐巡禮記云唐武宗皇帝會昌元年敕令章敬寺鏡霜法師於諸寺傳彌陀念佛教每寺三日巡輪不絕同二年回鶻國之軍兵等侵唐界同三年河北節度使忽起亂其後大蕃國夏拒命回鶻國重奪地凡兵亂同秦項之代災火起邑里之際何況武宗大破佛法多滅寺塔不能撥亂遂以有事已上取意以此惟之法然者後烏羽院御宇建仁年中之者也彼院御事既在眼前然則大唐殘例吾朝顯證汝莫疑汝莫恠唯須捨凶

歸善塞源截根矣客聊和曰未究淵底數知其趣但自花落至柳營釋門在樞捷佛家在棟梁然而未進勘狀不及上奏汝以賤身輒吐莠言其義有餘其理無謂矣主人曰予雖為少量忝學大乘蒼蠅附驥尾而渡萬里碧蘿縣松頭而延千尋弟子生一佛之子事諸經之王何見佛法之衰微不起心情之哀惜法華經曰藥主今告汝我所說諸經而於此經中法華最第一又云我所說經典無量千萬億已說今說當說而於其中此法華經最為難信難解又云文殊師利此法華經諸佛如來祕密之藏於諸經中最在其上又云衆山之中須彌山為第一衆皇之中月天子最為第一又如日天子能

高祖遺文
除諸闇。又如大梵天王。一切衆生之父。有能受持是經典者。亦復如是。於一切衆生中。亦爲第一。涅槃經云。若善比丘見壞法者。置不呵責。駁遣舉處。當知是人佛法中怨。若能駁遣呵責。舉處是我弟子。眞聲聞也。法華經云。我不愛身命。但惜無上道。大涅槃經云。譬如王使善能談論。巧於方便。奉命。他國。寧喪身命。終不匿王所說。言教智者。亦爾。於凡夫中。不惜身命。要心宣說。大乘方等如來祕藏。一切衆生皆有佛性。經云。余雖不爲善比丘之身。爲道佛法中怨之責。唯撮大綱。粗示一端。其上太元仁年中。自延曆興福兩寺。度度經奏問。申下敕。宣御教書。法然之選擇。印板取上太講堂。爲報三世佛。

恩令燒夫之於法然墓所。仰付感神院。夫神人令破卻其門。弟隆觀聖。允成覺薩生等。配流遠國。其後未許御勅氣。豈未進勸狀云也。客則和曰。下經。謗僧一人難論。然而以太乘經六百三十七部。二千八百八十三卷。竝一切諸佛菩薩。及諸世天等。載捨開闔。拋四字詞。勿論也。其文顯然也。守此。瑕瑾成。其誹謗。迷而言。歟。覺而語。歟。賢愚不辨。是非難定。但災難之起。因選擇之由。盛增其詞。彌談其旨。所詮天下泰平國土安穩。君臣所樂。士民所思也。夫國依法而昌。法因人而貴。國亡人滅。佛誰可崇。法誰可信哉。先祈國家。須立佛法。若消災止難。有術欲聞。主人曰。余是頑愚。敢不存賢。唯就經文。聊述。

所存抑治術之旨。內外之間。其文幾多。具難可舉。但入佛道。數回愚案。禁謗法之人。重正道之侶。國中安穩。天下泰平。即涅槃經云。佛言。唯除一人。餘一切施皆可讚歎。純陀問言云。何名爲唯除一人。佛言。如此經中所說破戒。純陀復言。我今未解。唯願說之。佛語。純陀言。破戒者。謂一闍提。其餘在所一切布施皆可讚歎。獲大果報。純陀復問。一闍提者。其義云何。佛言。純陀。若有比丘及比丘尼。優婆塞。優婆夷。發麤惡言。誹謗正法。造是重業。永不改悔。心無懺悔。如是等。人名爲趣向一闍提。道若犯四重。作五逆罪。自知定犯。如是重事。而心初無怖畏懺悔。不肖發露於彼正法。永無護惜建立之心。毀此

輕賤言多。禍咎如是等。亦名趣向一闍提。道唯除如此。一闍提輩。施其餘者。一切讚歎。又云。我念往昔。於閻浮提。作大國王。名曰仙豫。愛念敬重大乘經典。其心純善。無有麤惡嫉恚。善男子。我於爾時。心重大乘。聞婆羅門誹謗。方等。聞已。卽時斷其命根。善男子。以是因緣。從是已來。不墮地獄。又云。如來昔爲國王。行菩薩道時。斷絕爾所婆羅門命。又云。殺有三。謂下中上下者。蟻子乃至一切畜生。唯除菩薩示現生者。以下殺。因緣墮於地獄。畜生餓鬼。具受下苦。何以故。是諸畜生。有微善根。是故殺者。具受罪報。中殺者。從凡夫人。至阿那含。是名爲中。以是業因。墮於地獄。畜生餓鬼。具受中苦。上殺者。父

母乃至阿羅漢。辟支佛。畢定。菩薩。墮於阿鼻大地獄中。善男子。若有能殺一闍提者。則不墮此三種殺中。善男子。彼諸婆羅門等。一切皆是一闍提也。仁王經云。佛告波斯匿王。是故付屬諸國王。不付屬比丘比丘尼。何以故。無王威力。涅槃經云。今以無上正法付屬諸王大臣宰相。及四部眾。毀正法者。大臣四部之眾。應當苦治。又云。佛言。迦葉。以能護持正法。因緣故得成就是金剛身。善男子。護持正法者。不受五戒。不修威儀。應持刀劍弓箭鉞槊。又云。若有受持五戒者。不得名為大乘人。也不受五戒。為護正法。乃名大乘。護正法者。應當執持刀劍器械。雖持刀杖。我說是等名。曰持戒。又云。善男子。過

太之世。於此拘尸那城。有佛出世。號歡喜增益。如來佛。涅槃後。正法住世。無量億歲。餘四十年。佛法未滅。爾時有一持戒比丘。名曰覺德。爾時多有破戒比丘。聞作是說。皆生惡心。執持刀杖。逼是法師。是時國王名曰有德。聞是事。已為護法。故即便往。至說法者所。與是破戒諸惡比丘。極共戰鬥。爾時說法者得免危害。王於爾時。身被刀劍鉞槊之瘡。體無完處。如芥子許。爾時覺德尋讚王言。善哉善哉。王今真是護正法者。當來之世。此身當為無量法器。王於是時。得聞法。已心大歡喜。尋即命終。生阿閼佛國。而為彼佛作第一弟子。其王將從人民眷屬。有戰鬪者。有歡喜者。一切不退菩提之心。命終悉

生阿閼佛國覺德比丘卻後壽終亦得往生阿閼佛國而為
彼佛作聲聞眾中第二弟子若有正法欲滅盡時應當如是
受持擁護迦葉爾時王者則我身是說法比丘迦葉佛是迦
葉護正法者得如是等無量果報以是因緣我於今日得種
種相以自莊嚴成法身不可壞身佛告迦葉菩薩是故護法
優婆塞等應執持刀杖擁護如是善男子我涅槃後濁惡之
世國土荒亂互相鈔掠人民飢餓爾時多有為飢餓故發心
出家如是之人名為禿人是禿人輩見護持正法驅逐令出
若殺若害是故我今聽持戒人依諸白衣持刀杖者以為伴
侶雖持刀杖我說是等名曰持戒法華經云若人不信毀謗

此經即斷一切世間佛種夫經文顯然私詞何加凡如法華
經者謗大乘經典者勝無量五逆故墮阿鼻大城永無出期
如涅槃經者設許五逆之供不許謗法之施殺蟻子者必落
三惡道禁謗法者定登不退位所謂覺德者是迦葉佛有德
者則釋迦文也法華涅槃之經教者一代五時之肝心八萬
法藏之眼目也其禁實重誰不歸仰哉而謗法之族忘正道
之人刺依法然之選擇彌增愚癡之盲瞽是以或忍彼遺體
而露木畫之像或信其妄說而彫莠言之模弘之海內翫之
郭外所仰則其家風所施則其門弟然間或切釋迦之手指
結彌陀之印相或改東方如來之鴈宇居西土教主之鵝王

或止四百餘回之如法經成淨土之三部經或停天台大師
為善導之講如此群類其誠難盡是非破佛哉是非破法哉
是非破僧哉此邪義則依選擇也嗟呼悲哉背如來誠諦之
禁言哀矣隨愚侶迷惑麤語早思天下之靜謐者須斷國中
之謗法矣客曰若斷謗法之輩若絕佛禁之違者如經文可
行斬罪歟若然者殺害相加罪業何為哉則大集經云剃頭
著袈裟持戒及毀戒天人可供養彼則為供養我是我子若
有搗打彼則為打我子若罵辱彼則為毀辱我仁王經云大
王法末世時乃至非法非律繫縛比丘如獄囚法乃至諸小
國王自作此罪破國因緣身自受之又大集經云佛言大梵

我今為汝且略說之若有人於萬億佛所出其身血於意云
何是人得罪寧為多不大梵王言若人但出一佛身血得無
間罪尚多無量不可算數墮於阿鼻大地獄中何況具出萬
億諸佛身血者也終無有能廣說彼人罪業果報唯除如來
佛言大梵若有惱亂罵辱打縛為我剃除鬚髮著袈裟行不
受禁戒受而犯者得罪多彼又云刹利國王及以諸斷事者
乃至於我法中而出家者作大殺生大偷盜大非梵行大妄
語及餘不善如是等類乃至若鞭打者理不應口業罵辱一
切不應加其身罪若違法乃至必定歸趣阿鼻地獄又云當
來之世有惡眾生於三寶中少作善業若行布施若復持戒

修諸禪定。以其如是少許善根。作諸國王愚癡無智。無有慙愧。憍慢熾盛。無有慈愍。不觀後世。可怖畏事。彼等惱亂我諸。所有聲聞弟子。打縛罵辱。乃至墮在阿鼻等。云料知不論善惡。無擇是非。於為僧侶。可展供養。何打辱其子。忝悲哀其父。彼竹杖之害。目連尊者也。永沈無間之底。提婆達多之殺。蓮華比丘尼也。久咽阿鼻之焰。先證斯明。後昆最恐。似誑法。既破金言。此事難信。如何得意矣。主人云。客明見經文。猶成斯言。心之不及。歟。理之不通。歟。全非禁佛子。唯偏惡謗法也。夫釋迦之以前。佛教者。雖斬其罪。能忍之。以後。經說者。則止其施。此又一途也。月氏國之戒日大王。聖人也。罰其上首。

誠五天之餘黨。尸那國之宣宗皇帝。賢王也。誅道士一十二人。止九州佛敵。彼外道也。道士也。其罪是輕。是內道也。佛弟子也。其罪最重。速行重科。然則四海萬邦。一切四衆。不施其惡。皆歸此善。何難竝起。何災競來。矣。客則避席刷襟。曰。佛教斯區。旨趣難窮。不審多端。理非不明。但法然聖人。選擇現在也。以諸佛諸經。法華經。教主釋尊。諸菩薩諸天。天照太神。正八幡等。載捨閉閣。拋之惡言。其文顯然也。因茲聖人。太國善神。捨所天下。飢渴。世上疫疠。今主人廣引經文明。示理非故妄。執既翻。耳目數朗。所詮國土泰平。天下安穩。自一人至萬民所好也。所樂也。早止一闡提之施。切謗法之根。永致衆僧。

尼之供頂智者足收佛海之白浪截法山之綠林世成義農
之世國為唐虞之國然後斟酌顯密淺深分別真言法華勝
劣崇重佛家之棟梁開發一乘之元意矣主人悅曰鳩化為
鷹雀變為蛤悅哉汝交蘭室之友成麻畝之性誠願其難專
信此言風和浪靜不日豐年耳但人心者隨時而移物性者
依境而改譬猶水中之月動波陳前之軍靡劍汝當座雖信
後定永忘若欲先安國土而祈現當者速回情慮急加對治所
以者何藥師經七難內五難忽起二難殘所以佗國侵逼難
自界叛逆難也太集經三災內二災早顯一災未起所以兵
革災也金光明經內種種災過一一雖起佗方怨賊侵掠國

內此災未露此難未來仁王經七難內六難今盛一難未現
所以四方賊來侵國難也加之國土亂時先鬼神亂鬼神亂
故萬民亂云今就此文具案事情百鬼早亂萬民多亡先
難是明後災何疑若所殘之二難依惡法之科竝起競來者
其時何為哉帝王者基國家而治天下人臣者領田園而保
世上而佗方賊來而侵我國自界叛逆而掠領其地豈不驚
哉豈不騷哉失國滅家何所遁世汝須思一身之安堵者先
禱四表之靜謐者歟就中人之在世各恐後生是以或信邪
教或貴謗法各雖惡迷是非而猶哀歸佛法何同以信心之
力妄宗邪議之詞哉若執心不翻亦曲意猶存早辭有為之

鄉心墮無間之獄。所以大集經云。若有國王於無量世修施戒慧。見我法滅。捨不擁護。如是所種無量善根。悉皆滅失。乃至其王不久當遇重病。壽終之後。生大地獄中。如王夫人太子。大臣城主柱師郡主宰官。亦復如是。仁王經云。人壞佛教。無復孝子六親不和。天龍不祐。疾疫惡鬼。日來侵害。災怪首尾連禍。縱橫死入地獄。餓鬼畜生。若出為人。兵奴果報。如響如影。如人夜書火滅。字存三界果報。亦復如是。大品經云。破法業因緣集。故無量百千萬億歲墮大地獄。中是破法人輩。從大地獄至大地獄。若火劫起時。至佗方大地獄中。生在彼間。從大地獄至大地獄。乃至如是遍十方。乃至重罪轉薄。或

得人身。生盲人。家生旃陀羅家。生除廁擔死人。種種下賤家。若無眼若一眼若眼瞎。無舌無耳無手。大集經云。大王於當來世。若有刹利婆羅門毗舍首陀。乃至奪佗所施。而彼愚人於現身中。得二十種大惡果報。何者。二十一者。諸天善神皆悉遠離。四者。怨憎惡人。同共聚會。六者。心狂癡亂。恒多蹉達。十一者。所愛之人。悉皆離別。十五者。所有財物。五家分散。十六者。常遇重病。二十者。常處糞穢。乃至命終。墮阿鼻地獄。又云。居在曠野無水之處。生僂無眼。又無手足。四方熱風來觸其身。形體楚毒。猶如劍切宛轉。在地受苦惱。如是百千種苦。然後命終。生大海中。受完揣身。其形長大。滿百由旬。然彼罪

人所居之處。於其身外面。一由旬。滿中熱水。然若融銅。逕無量百千歲。飛禽走獸。競來食之。乃至其罪漸薄。得出為人生。無佛國五濁刹中。從生而盲。諸根不具。身形醜惡。人不喜見。六波羅蜜經云。今在地獄。現受衆苦。為十二火。所纏燒。有二火焰。從足而入。徹頂而出。復有二火焰。從頂入。通足而出。復有二火焰。自背而入。從胸出。復有二火焰。從胸入。而自背而出。復有二火焰。從左脇入。穿右脇出。復有二火焰。從右脇入。穿左脇出。復有一火焰。從首而纏。下於然。此地獄諸衆生。身其形栗弱。如熟蘇。為彼衆火交絡。焚熱。其地獄火燒。人間火如燒。豔華無復餘燼。大涅槃經曰。遠離善友。不聞正法。住惡法者。是因緣故。

沈沒在於阿鼻地獄。所受身形縱橫八萬四千。妙法蓮華經第二云。若人不信毀謗此經。則斷一切世間佛種。或復墮處。而懷結恨。此人罪報。汝今復聽其人。命終入阿鼻獄。具足一劫。劫盡更生。如是展轉。至無數劫。乃至於此。死已。更受蟒身。其形長大五百由旬。同第七云。四衆之中。有瞋恚不淨者。惡口罵詈。言是無智比丘。衆人或以杖木瓦石。而打擲之。千劫於阿鼻地獄。受大苦惱。經已上文廣披衆經。專重謗法。悲哉。日本國皆出正法之門。而滾入邪法之獄。愚矣。上下萬人。各懸惡教之網。而鎮纏謗法之綱。此朦霧之迷。沈彼盛焰之底。豈不愁哉。豈不苦哉。汝早改信仰之寸心。速歸實乘之一善。然則


三界皆佛國也。佛國其衰哉。十方悉賢土也。賢土何壞哉。國無衰微土無破壞。身是安全心是禪定。此詞此言可信可崇矣。客曰。今生後生誰不慎。誰不和。披此經文具承佛語。誹謗之科至重。毀法之罪誠深。我信一佛。拋諸佛。仰三部經。而閣諸經。是非私曲之思。則隨先達之詞。十方諸人亦復如是。今世者勞性心來生者墮阿鼻。文明理詳不可疑。彌仰貴公之慈誨。益開愚客之癡心。速回對治。早致泰平。先安生前。夏扶沒後。唯非我信。又誠佗誤耳。

文應元年 太歲庚申 九月勅之

秦堂云此一本ハ華洛本國寺ノ藏ニシテ大士臨滅ノ期朗師ヘ付屬ノ書

也トイフ世ニ流傳スル處ノ本ト照鑿スルニ數百言ヲ加倍セリ故ニ彼山ニテハ此ヲ脱稿ノ正典廣本ト稱レ世上流布ノ書ヲ艸トシ略トス然レトモ此廣本尙并差重複ナカラストセス愚案スルニ此一書ハ安國論ノ原本ニシテ此ヨリ煩ヲ芟要ヲ摘簡易ヲ詮トシテ一本ヲ定メ公廳ニ上リ次ニ門子等ニ授給ヒシ事ナルベシ若爾レハ彼ヲ略ト云トモ省略ノ義ニアラス極テ約要ノ略ナランノミ依之今此書ヲ廣本ト表シ彼書ヲ要本ト唱ヘ廣要並舉テ來意ヲ知ラシム

高祖遺文錄卷之六終



高祖遺文錄

卷之六

145
30
35

東 京 圖 書 館				
三 〇 冊	三 五 號	一 七 架	一 四 九 函	和 書 門 類